

未宋部
振錄西
壽

序

崑山葛芝龍撰

庚戌之十月葛芝之手摛其詩文為十四卷

以授之梓既成作而歎曰嗚呼余豈欲自

名為文章之士哉憶為兒童時周忠介公

罹璫禍客有過而歎息者余立屏側垂涕

曰嗟乎使假之十季何遂不從公於難乎

崑山葛芝龍撰

崑山葛芝龍撰

蓋余少之時素自厲如斯也季過二十餘
見國家紛紜多故輒有攬轡澄清之志未
幾兩京繼沒江左騷動隱於蓬藿之間於
是壯心銳氣一旦都盡矣平生好理學家
言尤好陽明先生遺書以爲易簡理得未
有過於此也閒居無事走姚江及其私淑
者退而寢不安食不甘者歷季而後沛乎

其有得也然世衰道微利欲中人一旦告
之以性命之微人之怪而逐之豈獨蜀之
日嶺南之雪哉因是瘖默不語聊以自娛
而已獨文章一事幼爲同志所推朋舊往
來不廢酬答兼之心之精微不能喻之於
人者亦往往托之翰墨見志今遂欲以是
示當世告來茲也不亦悲哉况歐陽子有

言余讀班固藝文志唐四庫書目見其所
列其人甚多今存者百不一二因以歎凋
零磨滅不可勝數而俚言俗說猥有存者
以是知其間蓋有幸不幸也然則余之是
集其將傳之其人反復諷詠而稱道弗絕
耶抑遂析之爲薪雜於瓦礫之中等於飄
風之過耳耶俱未可知也夫所恃以示當

世告來茲者徒托之於此而幸不幸之間
又屬不可知之數焉益可慨已雖然吾聞
志之未遂者神則哀之蓄而未通者物則
相之今夫幅員之內如此其廣也百年之
後如此其久也安知不有人焉得是集而
流連久之起而曰是子也敦尚往之志高
蜚遯之節蓋遺世離人而立於獨者也是

月三
余所望也抑進曰發淒清之音而不入驕
亢多悲憫之辭而不流怨誹其咎者栗里
東臯之儔而固異於抱石沉湘者與是余
所望也或悠然而淡思焉或頽然而遠望
焉喟然曰吾能得之意言之表通之形象
之外是子也不談經而有淵思不言理而
有微詞殆今之宗羲黃而師孔顏者與是
余所尤望也而非敢必也蓋自是以往余
將入深林倚石室喀然盡喪其耦不復從
事於藝林得失之間矣

臥龍山人集總目

崑山葛

芝龍仙著

原名雲芝

第一卷

擬古樂府三十四首

磐石篇

善哉行

君子有所思行

隔谷歌

相逢行

來日大難

艷歌何常行

短歌行

碧玉歌

三首

行路難

十首

升天行

獨漉篇

夏門行

墻上難為趨行

武彞君人聞可哀之曲

雞鳴歌

江南曲

對酒

門有車馬行

采葛篇

妾薄命

遠遊篇

雉朝飛

第二卷

五言古體七十八首

秋日雜詩

十五首

避暑虎丘月下次韻

虎丘坐月

詠史

十二首

掩閔周草姪見餉酒肴

送葉岳心

九月招同人登高

詠懷

三十首

送葉嶠初

四首

陳烈婦詩

二首

送呂梅夫歸浙

丘中有一士

四首

秋日觀穫

二首

擬古

遊橫雲山感李氏廢園

題飲酒圖壽湘九兄

第三卷

七言古體四十首

贈別葉岳心有懷

秋風歎

爲顧茂倫題濯足圖 送空林禪師隱越山

壽王賓之五十 諸子招往東山看月

雙槐歌 贈別杜太傅發武

題葉石農門前山卷 白使君謠

鄧尉看梅歌 葉水部繭園讌集歌

贈陳藹公 過南郭先生艸堂感賦

送楚拙上人還山 贈楓江張生

貽程翼蒼學博 虞山項母七十壽詩

關西都護行 將入山留別同志

送弘人聞夏謫關外 黃郎行

贈僧僧舊從軍 歲暮積雪

迎青軒看雪歌 送張月鹿還四明

張敬修八十壽詩 河朔避暑長歌

題楊妃上馬圖 貧交行

前渡江歌 後渡江歌

題春社醉歸圖 閩中三子品茶圖

慧日寺觀袈衣紅衲歌

戲題弄孫圖 細林山送友人人道歌

神鼉館贈曹道士 敬亭謠壽姜如農給諫

從吾館奏樂歌

第四卷

五言近體一百九十二首

春日訪受先先生

秋夜對月

乙酉除夕有感

次咸子來韻贈之

同友人郊原散步

訪空林禪師水居

同友人看荷

集葉子齋 二首

喜友人罷試歸

答岳心寄懷

訪僧次壁間韻

雨後偶成

剖瓜

答友

維摩寺銀杏

破龍澗

送律木禪師歸雪竇

同友宿顧莘衡邨居

次答古南老人

重過莘衡邨居

除夕暮望有感

送友人歸四明 二首

哭朱昭芭

六首有序

虎丘曉發

同客晚眺

送吳羽三歸荻江

四首

同嵎初蓮生晚眺

春居漫述

三首

姚文初生還却寄

秋夜有作

贈張令則

諸聲雜咏和元恭

十一首

訊葉九來新居

贈沈文長

寒夜獨坐

和友人冬日詩

秋日雜感 八首

毛子晉重建空心亭

和陳皇士掩關詩

送僧

蟠梅次余無殊韻

雨中看泉

題畫贈毛子晉

夏日邨居雜詩 十四首

丙園訪華天御 二首

元恭久客淮上懷之

白泉先生招飲 二首

夏日園居雜興 十六首

哭姚瑞初

贈吳茂長

阻雨丙舍

風雨與吳飲和對坐

偶成

壽陸敬身八十

七夕偶成

贈五臺了念師 二首

贈張居士

夜坐獨酌偶成

冬夜有作

雨中懷昭法

空山坐雨

贈徐子

病中喜嶠初北歸 四首

新春二日遊虞山 四首

嶠初齋中看牡丹

家叔見貽酒瓢

贈雪竇和上 四首

贈巖翁

邨居雜詠 八首

甲辰元旦偶成

元旦過慈公山房

人日風雨 二首

春雪用前韻

與葉子野步

元夕謝客獨居

和李爾公元宵詩

次答李子

山間步月

答元恭

寄膠城趙子見訪不值

謁鄧司徒廟詠檜

二一首 秋蟬

答以靈上人

次韻贈柴中師

紫中愛余山居次答

賦得山月照彈琴

題七寶泉

冬夜聞雁

種蘭

夜過毘陵寄道威

過雲陽懷蔣大鴻

送準彌師歸閩 四首

次答諸乾一

初夏

雪堂聽琴

五十初度述懷 八首

邛公在越招之

斗柄納涼

早桂

採藥遇隱者

夏日月下小飲分韻

元日過無公山房

槎山看梅

五日飲黃有三齋

第五卷

七言近體二百首

次顧寧人辭家詩 二一首

丙戌清明

偶成

招友人飲次韻 二一首

秋日過陸丈邨居

贈願雲禪師

友人過訪

秋懷

啟關阻雨自嘲

中秋放舟江臯

望遠曲

八首

贈范叟

有感

贈曹石霞使君

答邵得魯

遊報恩寺

尋方正學先生祠

聞磬

贈徐日敬

招顧子小飲

送顧子邨居次前韻

毛子晉六十

薛歲星太守六十

題桃源圖

訪三木師

同人集含綠堂追賦

探梅青芝阻雨不果

春日閒居有感

送咸大咸

贈郭侯

壽沈子甸五十

壽孫子長六十

遊仙詩

三首

九日遊治平寺

二首

同友人赴山陰約

三首

初冬邨居雜興

十二首

壽譚扶風六十

和申北部七十自壽詩

除夕

元旦

和皇士四時山居詩

四首

哭陳鶴客

雨後登城閒眺

九來贈詩賦答

述史

避暑卽事

二首

秋日寄王元倬

壽周子潔五十

次來韻答李元仗

集桴亭送確菴遊楚

人日九來招飲不赴

喜弘人聞夏歸

呈古南老人

述懷再呈

贈康小范

上巳次日招同人補襖

九來攜酒看花

嶠初齋中看牡丹

贈高將軍

寄贈張都護

贈白使君

二首

秋日山中卽事

代簡答徐昭法

春遊

不樂

壽王石隱七十

贈乾一建陳徵君祠

壽蔣公涵七十

歲暮積雪有懷

送元恭遊淮上

元夕集從吾館看燈

次嶠初過訪不值韻

送徐季重閩中省兄

壽崇川劉生

次日漫興

壽王賓之六十

將入山天心贈詩答之

原一招麗京諸子小飲

次展成韻贈施法師

次前韻有贈

送咸大咸歸山陽

秋夕

雨後過東園

清明拜受先先生墓

雨中坐虎丘

次岳心見訪之作

春日病中遣懷 二首

贈奉常王公燿客

送友人歸楚

金陵雜感 八首

送嶠初北上

元旦拜先大夫像有感

宿饒隱菴懷勝師

贈吳子

與客追舊有感

送友人遊燕

席上贈陸九

九日遇雨次韻

答陳子

山塘偶步

虎丘寓舍趺坐

虎丘雜詩 四首

贈劉剩菴孚博

桂林四首

破城十年作佛事感賦

中秋集九來齋

三月十九日感賦

哭葉聖野

春朝試筆

寄王元倬

周存梧參軍輓詩

虎丘感舊 二首

輓葉子

答岳心秋日見訪 二首

岳心歸疊前韻送之

送友人赴沛上

李子招往登高次和

秋日雜感 十首

酬黃丈

秋夜泛舟西崦

徐次洲招往登高

集袁公白諸子於山房

葉訥菴過訪山中次答

秋夜同紫中師飲
薄暮過虎丘

舟中讀記原詩次贈
七夕立秋

西崦泛月
顧子催粧詩

丙午除夕 二首
丁未元旦 二首

懷葉子在貴陽官舍
顧爾音雅集石浪亭

送何履公公車
過九峰訪諸乾一

重陽遊小崑山
陸蘭陔招集三隱堂

重陽後一日集橫雲山

留別諸乾一
送退翁和尚入楚 二首

銅杭觀梅
移樽出飲桃花下

送李仙照入都
徐孚若齋中看牡丹

春日偶遊玄墓

第六卷

五言絕句二十五首

題刀子贈無殊
題刀子贈子佩

題刀子贈昭法
題刀子贈仲日

題刀子贈研德
題刀子贈言夏

題刀子贈孝將
題刀子贈岳心

題畫
偶題

題扁舟吹笛圖
題江南花柳圖

題絕交圖

吳姬歌 二首

和觀山雜詠 十首

六言絕句三首

雨窓獨酌 三首

七言絕句八十五首

口號

六月十五夜聞雨

詠維摩寺銀杏

登姑蘇臺

南圃阻雨 二首

偶成

和李義山過楚宮詩

題嚴灘獨釣圖

拜張睢陽祠

支硎竹枝詞 二首

久雨墻崩戲成

送周子俶遊燕 八首

奉簡葉水部

戲簡陳孝將

答言夏乞鵲

楊山人招飲

題松雪澱山圖

題陳皇士五圖 五首

戲寄諸山禪德

除夕遺元恭酒錢

題畫牛

挽德上人 二首

送吳氏妹謫關外

題畫 二首

有感

訪王雙白不遇

贈李山顏 六首

簡徐季重

盛珍示偶墮水戲寄

寄葉萊蕪

寄歸元恭

寄呼德下

葉訥菴相訪有詩次答

寄李元仗

寄葉岳心

寄徐蓮生

促九來寄畫

簡張令則

簡湘九兄

寄支許二道士

寄慈公題其精舍

遊仙曲贈紫中師

踏青詞 四首 二首

震澤漁父詞

從軍行 四首

宮人秋怨

四首

絕句送李子

戲題美人午睡圖

過無公題贈 四首

第七卷

五十自題小像

三首
有序

論九首

明道論

體道論

忘道論

君子以飲食宴樂論

留侯武侯合論

王覽論

符堅論

于謙論

于謙後論

第八卷

序二十六首

送萬明府去任序

送李映碧廷尉歸昭陽序

送吳興公居下邳序

送吳丈燕勒謫寧固塔序

贈葉嶠初序

送蔣大鴻北遊序

贈張月鹿序

送侯子遊燕序

送呼德下遊秦序

送葉子就選序

送準彌師歸閩序

黃蘊生進士文集序

歸元恭文集序

邵得魯迷途集序

侯研德文集序

諸史異同序

禮記集說辨疑序

柴集勲文集序

陰符經註序

密齋詩稿序

葵園集序

梁谿錢子詩序

靜觀堂詩稿序

咸子湖山草序

經鋤堂詩集序

王氏世譜序

第九卷

序三十三首

知畏堂集序

呼氏世譜序

王氏先像序

觚齋集序

玉山偶集序

族譜略序

歲寒唱和集序

吾谷詩序

和衆聲詩小序

錫類編序

荷山集序

紀年前錄序

紀年續錄序

集陶序

菊社小序

義倉約序

放生社冊序

柴林徵先生七十壽序

李映碧廷尉六十壽序

徐封君五十雙壽序

昌巢民五十壽序

吳飲和七十壽序

張永暉六十壽序

王君五十壽序

顧母蔣夫人八十壽序

殷母張夫人七十壽序

馬母陸孺人八十壽序

吳母宋孺人六十壽序

古南老人七十壽序

壽秀林禪師序

葉水部和韻詩序

陳太公詩畫壽冊序

陳定齋自述唱和詩序

第十卷

行狀五首

故禮部員外郎張先生行狀

秦宜人行狀

先府君行狀

先碩人行狀

繼母蕭碩人行狀

墓表誌碣六首

徵君史先生墓表

瓊州太守方公墓誌銘

舅氏何蟄菴府君墓誌銘

柴集勲墓誌銘

何秀才墓誌銘

乳母孫氏墓碣

第十一卷

記三十四首

西京石穴記

從吾館記

郭侯祠堂記

蟄存齋記

雙寂軒記

柳菴記

鑿隱菴記

張氏墓田記

石樓菴記

徐氏園亭記

紫來館記

臥龍山房記

下學齋記

舊几記

澆泉記

夢記

中秋夜遊記

包山遊記

九首 有序

秋日遊天平嶺記

遊天池華山記

遊玄墓記

遊靈巖記

遊仰天塢記

泛湖記

遊小赤壁記

遊銅井記

第十二卷

書二十一首

答杜綬武太傅書

答張受先先生書

與吳梅邨學士書

答史子虛先生書

答受先張先生書

答吳門諸子書

答徐昭法書

與羅繡仲書

與王元倬書

與吳漢槎書

與李元仗書

答諸合甫書

答柴集勳書

與孫孝若書

與徐禎起書

答葉嶠初書

答李元仗書

答周我成書

答二勝禪師書

與李先生書

乞樹書

第十三卷

傳九首

褚雪巘小傳

太學生涂君傳

陳明仲傳

太常府君家傳

董痴傳

蒙泉子傳

長沙女子傳

貞節薛氏傳

封孝廉傳

祭文五首

祭葉水修文

祭朱彥兼文

祭葉母曹碩人文

祭陸太公文

祭錢中野文

第十四卷

說三首

鏡菴字說

感雨說

豺噬龍說

題跋十八首

題孔北海詩後

題朱昭芑手評世法錄後

題李忠毅公墨蹟後

題金侍御殉節傳後

題柴集勲祭朱昭芑文後

題怪木供後

題夏青巖先生詩冊後

跋葉石農雙節歌後

題張果白驢圖後

題虞伯施帖後

題潘弱水畫冊後

題戴氏筆譜

書錢子祭文後

書屈陶合詠後

書壯悔堂集後

題吳師聖把臂入林圖後

題江天石醉石冊後

杜子紆書華嚴經跋

疏一首

重修景德寺疏

銘三首

韓王賞軍瓶銘

瓦樽銘

杖銘

贊九首

朱昭芭遺像贊

徐徽之像贊

歸元恭像贊

李山顏像贊

葉允文像贊

王賓之像贊

殷性原像贊

陳君祚像贊

自題入山採藥圖贊

附

乾卦講義

臥龍山人集總目終

臥龍山人集卷一

長沙鄧振錫

崑山葛

芝龍仙著

古樂府

磐石篇

鬱鬱高松峨峨磐石雲橫霞棟中含石室一解蒲塘青青游

魚履空翩翩翠鳥飲啄其中二解荔墻深杳蘿窗靚虛犧尊

兕爵玉軫金書三解幽人是居被服窈窕怡神黃中不語不

笑四解遠勢遺榮抱貞履素美藥一丸齒髮堅固五解手握靈

璫歛然遐征千歲之後游戲紫庭六解

善哉行

維昔聖世萬里又安翩翩麗服馭馭雕鞍解一龍國鈞鼇仙

聖播遷金樓銀闕淪於重淵解二有夫狂呼口乾唇燥一木

何支大厦傾倒解三黃鵠未舉困於金丸不如燕雀遊戲雲

端解四萬仞之山跛羊牧之猿處叢棘戰慄悲思解五士生其

間豈曰非命徒恃智勇哀哉不競解六洪崖相招栖神五岳

同跨斑龍出入快樂解七

君子有所思行

羲和轡不停四時遂成歲初見春條青俄驚秋風厲繁華
旦夕間倏忽悲已逝飛雪盛夏中違時莫能致藝苗隆冬
時勤苦何由濟達人見其機曠然無淫滯彈琴蔭貞松賦

詩托叢桂逍遙終歲年長嘯白雲際

隔谷歌

桃李異萼雜樹丘樊伐蠹枝折低亞相存此非並蒂何況

同根解一虎則豹兄鷹則鷄弟交頸接翼靡啄靡噬解二何為

管蔡日肆流言周公東征困於煩寃解三禍機潛發駭不可

知引躬欲避矰繳已施解四憶爾少小憐愛若子及爾長大

耽耽虎視解五昨遭束縛口誓尻高疾往救之狂走呼號解六

謂險未脫哀鳴萬狀既脫於險磨牙相向解七我歌隔谷氣

結不申先民有訓敢告書紳亂匪自他始自婦人解七

相逢行

高軒何翕集華纓耀良辰僮奴盡綺麗辟易道旁人夾轂
 問君家是何要路津阿父拜丞相兩朝稱重臣少子執金
 吾出入棨戟陳諸孫悉賜爵鞍馬來駢駢起第象朱邸容
 貌画麒麟鳴箏列妙伎撞鐘會上賓金張與衛霍豪貴世
 莫倫陽陵朱安世探丸住比鄰一旦縱蜚語捕掠無完身
 悔不先斬之坐使得逡巡倏忽世事改反覆同車輪昔時
 堂上客閉目不敢瞋昔時堦下虜意氣何振振榮華難久
 恃得喪嘗相因所以於陵子辭公守賤貧

來日大難

來日大難涕泗沆瀾俛仰今昔轉側未安解一橘柚垂榮有

鳥炭止啄我庭粟鼓翼歡喜解二翩翩紫燕方巢堂中蛇鼠

縱橫卵覆巢空解三神龍天飛豫且何為豐狐曳尾獵者潛

隨解四禍兮福兮倚伏萬端履信處順終古謂安解五智囊誠

智朝服東市翻然鴻舉羊裘男子解六

艷歌何嘗行

開翠幙拂象床鷓絃雁柱響洞房呈皓腕飄瓊裾如留若
 進來徐徐鯉魚尾猩猩唇與郎合坐邀上賓快六博玉女
 笑脫帽擲地繞床叫舉座言此間樂秋風忽起何蕭索雉
 朝飛烏夜啼昨日良會今淒淒飛落葉瀉哀泉茂松深柏
 含暮烟

短歌行

朝游太行暮歸王屋寶劍在掌鬼母夜哭解一士方貧賤蹋

地喚天一旦雄飛日無聖賢解二權勢所在爭則害人哀哉

李園竟殺春申解三麋鹿在山飢鳴求食忽登雕俎人飽肥

澤解四曲室密語中懷水火苟得同心一人已可解五神靈所

畏維在果敢匹夫縱橫山川倒撼解六促我豐膳飲酒曲房

援我繁弱射虎南岡解七

碧玉歌

碧玉十五時婀娜當軒織紅袂紫羅裳皆言好顏色碧玉
出門來觀者爭嘆息

歡娛何能久默默坐自語使君自有婦那得常爾汝羅敷
入門來碧玉出門去

昔為鳳與凰今成越與秦還將舊時意黽勉事新人新人
不見蒼空度可憐春

行路難

丈人且安坐聽歌行路難此調殊凄苦聽者涕汎瀾丈夫
一生達義命安能局促摧心肝少小遭喪亂愁緒太無端
聊為奏此曲曲罷長辛酸

家世傳一經大父通仕籍十五工篇章陪都曾射策一自
兩京相繼亡大溺儒冠不復惜客從長安來光彩何焯焯

爲道長安好詞賦盡鄒枚勸我騁高步何用困蒿萊長揖
笑謝客君言良可哀陸賈夙昔廟廊器白首窮荒不得回
吳質少小文章伯朔風吹上李陵臺覩此紛紜不足齒况
我江東一男子入洛機雲枉殺身魯連長往終不仕

昔聞兒丈夫帶經而荷鋤荷鋤亦佳事乃築田中廬雞豚
散桑柘耕鑿混樵漁擊鼓祀貓虎穰穰祈滿車豈知歲甚
惡不覩大有年杲杲焦喬木淫淫沸百川更說誅求苦鞭
撻何連連民力久已盡未蒙長吏憐從此南山任蕪穢悔
賣洛陽二頃田

范蠡本是英雄士白圭亦豈尋常人轉輸居積冠天下我
獨何爲守賤貧因之心意開便欲去爲賈販繒入幽燕驅
車到齊魯牛馬以谷量魚鹽賤如土昨暮值一人有似襄
陽估爲訴塞北兵相逢在南浦峨峨巨艚遭劫奪縱有金
錢亦被鹵從此飄零離故鄉吹篴乞食常與伍語罷悲風
吹殺人我亦相看淚如雨

爲賈應未得乃欲學從戎左手握利劍右手挽強弓東市
賣錦韉西市賣青驄誓將去故土擬建麟閣功忽見羽書
來馳騎太匆匆爲道南征士橫草悲無窮將軍百戰格鬪
死積甲上齊熊耳峰帳下部曲半奔散飄薄轉展同秋蓬
乃知兵者是凶器數奇何敢恃英雄張良善病未專將亦

得馳名三傑中

有客偶相將邀過西曲娘翠羽流蘇帳黃金玳瑁床徐起
舞白紵列坐奏清商涼月空自度啼鳥空自長世間何物
最足樂作使欲得邯鄲倡豈識疲精損眠食盛年那得久
顏色醇酒婦女孰云得酒色殺人甚作直

鬱鬱恒寡歡何以娛心意頗聞英雄徒六博恣遊戲此舉
亦不惡便擬情相寄客乃勸鋪紫氍毹環坐大呼黃金注
長笑爲謝客多君還見勞身實當今葛稚川樗蒲齒名不
知告况昔最愛陶公言牧豬奴戲何足好因之絕不爲寂
寞徒自悼輸錢縱贖劉寄奴擲帽終還袁彥道

孟公任俠士往往常驚坐劇孟真博徒失之七國破此是
緩急可恃人世間賢達那能過願言踵後塵坐使英名播
朝來覽傳記忽然心骨驚睚眦殺人雖快意報復常致身
命傾公孫遂族郭翁伯何並立辱王林卿此事那可爲爲
之太縱橫因謝故人罷漁獵歸來獨坐擁百城

兩漢小吏多公卿獄卒市椽雜英俊况今塗飾用詩書居
官何必文章進念之便欲習法律盈盈府中趨走疾當今
此輩攬大權坐嘯畫諾咸自失行行還復停此言亦太輕
祖父經術士行見家世傾探丸斫吏况常有干公陰德徒
爲名大笑寧真爾一寄無聊情仕宦縱至蕭丞相我寧歸

去東岡耕

我歌行路難寧叙一身苦俛仰三十年反覆那可數長安
宮闕蠹雲端倏忽鼎足迭爲主豈知天命自有在後來傾
奪終何補巨君居揖天下聞一旦雜拉揚爲土上相初招
東閣賓可憐尸首填園戶慷慨京兆上封章盡室飄零徙
合浦竭來殊咄咄怪事亦都有金墉城開龍子囚調藥又
賜丞相酒上官金霍顧命人半屬誅夷號戎首五鼎已看
主父烹餘者紛紛付獨柳覩此偏側洵可哀炙手勢熱何
爲哉不如浩歌歸去來三江鱸魚真可釣洞口桃花早自
栽寄語故人勿相誚公等自上黃金臺

升天行

秦皇定六合志乃在長年招邀四方士慷慨期學仙豈知
淫暴骨終竟淪重淵一旦沙丘崩鮑魚雜輜輶變彼楊氏
女力作事農田平生無異術虛覩以自全遂感神仙降絳
旒玉節懸異香忽滿室妙樂俄駢闐白鶴空中起引至雲
臺巔同侶四五人賦詩共笑言更謁大仙伯直造蓬萊山
玉觴瓊液盈金籥鳳衣鮮花木皆珠貝宮闕非人間始知
天上人果不慕勢權

獨漉篇

獨漉獨漉水清魚伏察見不祥抱凶同宿

一解桃鵠集條飄

搖危殆鳳履磐石竦身無害二中懷猶豫十前九却近在

門庭曷從棲薄三鴝鵒為介難與鸞賓妖狐為父安得生

麟四繁絲在握錯綜漫漶亂則必斬豈不在斷五鬼面獸

心信信向人得利無幾終戕爾身六高山峩峩大水湯湯

日月浩蕩福祿攸昌七

夏門行

長驅歷幕南乃至烏桓庭雙鞬帶繁弱匹馬振華纓甲冑

盡浴鐵四顧無堅城一旦秋風起俄覺神魂驚同旅四五

人昨暮大命傾一死無賢愚骨與荒烟平拂衣歸去來南

山誠可耕左手援趙女右手撫鳴箏適意且為樂遑與麟

閣名

牆上難為趨行

牆上難為趨牆上難為趨羊腸九折良驥崎嶇枳棘叢薄

騰猿亟逋安得康莊相與馳驅歌以言志牆上難為趨一

盛名不可居盛名不可居楊公業業大鳥集廬嵇生峩峩

神龍見除董梧志之顏色是鋤歌以言志盛名不可居二

禍福本無常禍福本無常朝而泥伏夕而雲翔一龍一蛇

上下無方弔者在門賀者在堂歌以言志禍福本無常三

富貴忘我為富貴忘我為室有姬姜謂我戚施沼有鴛鴦

謂我竊脂在新忘故千古所悲歌以言志富貴忘我為四

人險于山川人險于山川握手歡笑機若控弦商臣之弑
江革漏言相彼二桃乃殺三賢歌以言志人險于山川五解
貧賤終不移貧賤終不移陸居有船足以自怡水游有藻
足以樂饑哀哉雕俎宗廟之犧歌以言志貧賤終不移六解

武夷君人間可哀之曲

人間哀人間信可哀壯盛一去誓不再來春條初綠倏忽
枯荻層冰結波大火焚槐凶與吉會福爲禍媒銷骨同怨
鑠金致猜方寸含五岳人貌而蛇虺纍纍北却上王侯安
在哉昔時之歌樓與舞榭徒見蒼烟掩綠苔人間哀人間
信可哀吾聞瀛海之外白雲之隈瓊樓瑤閣金闕銀臺斑
龍遊戲青鳥徘徊金莖若蜨珠樹如瑰麟脯細削瑞露盈
壘不知治亂寧有福災逍遙億萬歲壽命何崔嵬回視人
間世人間信可哀

雞鳴歌

棲鳥欲起天將曙明星澹澹銀河閉扶桑日出深夜紅雞
鳴伊伊催人去九門鑰動開嚴城燕齊楚豫何縱橫儂牛
屠狗紛紜至吹簫販繒晨夕行上客鳴騶丞相府俠士揚
鞭細柳營往來徵逐何時止覲面山川從此始賢愚貴賤
各含情胷中一一紛如市晨雞晨雞願爾永不鳴彎弓更
射陽鳥傾窈然長夜思慮清天地迴合萬古平

江南曲

江南三月桃花時綠波碧岫何參差宛轉橋長連翠岸低
迷樹近蔭芳隄蔣侯祠外花如雪卞令墳前柳似絲黃鸝
對囀櫻桃樹屬玉雙飛菖菡池王孫競躍紫騮馬美女常
持白玉卮金丸遙向群兒落翠幃頻隨俠少移王謝兒郎
本佳麗白恰輕巾紫囊繫翩翩詞賦擅清新濯濯風流騁
姿制飲酒每邀西曲娘傾城更愛延年弟挾彈芳郊看鬪
雞結客黃金爭擁篲歲歲年年樂事多不惜繁華此中逝
一旦金鉦動地聞朱門忽集鸛鷓羣上苑蘭苕朝飲馬御
街槐柳夜屯軍箠築遙吹出紫甸明駝散牧遍秋墳烏衣
巷口馬通滿結綺樓前芟草紛可憐朱雀桁邊水疑是黃
龍塞上雲

對酒

對旨酒聊短歌盛年去不再過紅顏凋綠鬢嗒速朽可
奈何惟任達樂事多徵曼鬚集綺羅絃以鷓鼓以鼉歌白
雪舞迴波菰梁美桂椒和烹胎豹炙子鵝釣素鱗割紫駝
盡一石芳顏酡心最樂安知他百歲後歸山阿

門有車馬客行

門有車馬客聞從故鄉來躡履相問訊上客暫徘徊故鄉
在江東門巷誠崔嵬中有青梧桐夙昔手自栽一一修且

直扶蘇鬱嘉材今日復何如桐華應正開同心四五人祖
道傾樽疊握手盛顏色擘若紅玫瑰來時定康樂素書或
能裁客言君安坐慎勿中心摧君行誠不久星紀未周回
故鄉非疇昔門巷殖蒿萊中有青梧桐剝落倚高臺空庭
巢野雀其下盤蛇虺宛轉歲蕤鎖蜘蛛網雜蒼苔同心四五
人云是鄒枚才其半就鬼錄小虫今能災靈車協貞卜鬱
鬱高岡埋客言猶未畢中情奄若灰我行誠不久星紀未
周回盛衰與禍福一旦迭相催天運信難測人事何爲哉
援琴長嘆息寄此雍門哀

采葛篇

種葛南山下葛長何芄芄腰鎌往刈之婀娜織作工織作
君衣裳美人織手縫長夏溽暑時綺戶交遠風着之對賓
客皆言好儀容一旦涼飈起微霜落青楓玄冰四面合狐
裘三襲重弃置不復思閉之青箱中倏忽陽春至桃杏當
窗紅萬物盡豐豫疇昔肅殺空春風語黃葛慎白勿飄蓬
行行九夏復舊日輝光同

妾薄命

東鄰有美女窈窕世所無十三學織素十五工詩書令顏
花醜面巧笑唇激朱佩搖荆山玉耳含大秦珠淑慎固爲
好亮節更不渝皎皎冬日霜亭亭秋水蕖使君南方來五

馬立躊躇聘以雙白璧將貯金屋居合歡雖有待大義無
改圖使君遠遨遊遨遊歷幽都幽都多射工哀哉命已徂
聞之雙淚落執志徒區區流離成鄙賤嘆息今昔殊昔同
雲閒龍今同沼底魚昔同高岡柏今同幽澗蒲昔同堂前
燕今同澤中鳧昔同頭上爵今同腰下襦貴賤雖有別寧
保不肖軀誓爲單黃鵠矯翼厲天衢

遠游篇

朝起攬名驥駕言出遠游身非女兒子安得守一丘遠游
何所至驅車魯與鄒遂至秦晉郊旋觀帝王州浮江渡瀟
湘踰險歷閩甌名山無不陟幽壑亦相求道逢騎鹿翁或
遇采薪儔授我金簡書披我紫霞裘饑採絕巘芝渴飲清
澗流青鸞舞前後珠樹羅道周許邁庶足尚向子美前修
頽齡從此駐逍遙傲王侯

雉朝飛

江南四月風花明隴頭麥秀何青青錦胸繡臆雙雉鳴低
飛不遠淺草橫潛機一發雙雉驚錦羽雜拉灑血平歸來
合坐樽酒傾椒蘭佳哉斟雉羹願令賓客醉復醒

臥龍山人集卷一 終

臥龍山人集卷二

崑山葛芝龍仙著

五言古詩

秋日雜詩

涼風天末起吹我中庭樹病葉隨以飛搖蕩不知處四顧
茫然悲反袂涕如雨東鄰有好女窈窕世所慕盛顏忽零
落杳杳卽長路聚散一何常飄若風葉遇嘆息援鳴琴聊
以張情素

敦杖立隴畝微雨倏滿疇涼風與之俱颯然左右流稻葉
旣翻翻香氣亦悠悠頻年濯水旱茲焉春有秋忽聞鐘聲

起冉冉出山樓遙望群木杪爨烟若雲浮長歌曳杖歸巵
酒向客酬

王猛輔秦時壯年三十六指顧蛟龍動英風遍原陸我年
與之齊翹足坐窮屋蓬蒿沒三徑翳鬱同幽谷人生自有
寄潁水與箕麓努力崇令音義和去人速

中庭雜群卉青紫迭間之臨風逞其艷不異桃李姿一朝
霜霰集憔悴不足思持言報松柏區區何足爲

吾有所結客近住闔閭城頗負魯連志報仇期夙成雄飛
雖未得慷慨有餘情一旦捕吏來頭爲三木嬰吾欲往救
之惜哉力不能撫膺坐長嘆悲風來前楹

晨興理盥櫛焚香讀我書琅琅群聖言敢比糟粕餘意通
章句外理合立象初羲皇去已久司契實在予神明資祛
練查滓以清虛靈暉乃益廓昧然天地俱笑彼蜉蝣子獨
慕專城居

每讀酷吏傳颯颯陰風入謂是疾痛辭其言或失實竭來
有所覩母乃尚掩飾請述蚩蚩語未言先感惻鞭撻聞九
臯呼號重泉及不信有蒼鷹於何號屠伯譬彼沍寒時千
里雨雪集諒無鴻鵠嘆黽勉就行役

蓮葉日以老秋風日以長中夜益淒緊落月正入房緯絡
啼露葉蜚鳴衰草傍亭亭中閨士棲心入冥荒哀樂兩以

絕感激中情忘獨有客游人轉側涕浪浪

甌楚紛戰爭羽檄四郊馳慨此財賦地漕轉罷無期比來
盛咎撻人命危於絲猶云勝死鬪暴骨荒江湄桓桓長沙
王聞總百萬師請移貔虎士一決破重圍毋令征人婦秋
至泣寒衣

婁東朱隱君莪莪高尚士讀書懷古烈夙負霸王志總角
與之交情親結蘭芷昨歲棄我去珠玉托楸梓夜夢遺我
書劬劬有令旨覺來忽不見一身委牀第惟有草根蟲流
響空閨裏

張湛山齋前好種松與柏袁崧出行遊挽歌動行陌達人
冥物化生死永不隔如何風塵子擾擾百年役朝過北邙
上墓樹風蕭瑟奄奄泉下人昔時綺羅客聊進一杯酒此
意諒誰悉

客歲桂花時中秋值令節呼朋羅酒漿盤榻頗羞潔坐中
有小史皓齒吐白雪賓朋盡遷坐拊掌聲互答吾友老柴
生十年坐窮閭是日一解頤舉觴肆怡悅今年秋氣早叢
巖衆芳發月出葉滿庭風動華落榻斯人則何在念之心
鬱結獨坐風露下浩歌彌激烈

涉江采芙蓉芙蓉艷且美綠枝猶托根花落清江裏隨風
一蕩颺倏忽隨流水蘭艇何搖曳中有便娟子不惜羅袖

濕拾之同旖旎回看江上花搖落蒹葭底
昔遊洞庭日正值櫻桃紅萼羨思季鷹好李懷濬冲口腹
旣清腴展眺恣靡窮杳杳無人徑青青澗底松几席泉源
美千里風帆通別之幾寒暑夢落縹緲峰秋來風物好掛
蒲凌遠空棲鵲江上起山麋石下逢楓桂良足撫梨栗况
已豐攜酒造絕壁長嘯月明中

朝渡吳淞江偶過田父家田父有茅屋雜植榆柳斜門內
悉機杼笥中富魚蝦瓠葉檐際垂籬豆紛交加喜吾能枉
駕邀吾坐平沙烹魚摘籬豆罇中湛桂華口無朝市言依
依論桑麻日入猶未歸坐看昏棲鴉卽此羨閒逸寧待武

陵花

避暑虎丘納涼月下陸子敏有詩見示次韻和之

涼風吹皓月亭亭襲華棖志士懷永夜寧不四顧悲幸以
長貧賤攜手相邀嬉長松龍蛇影怪石類鐫削對此時一
醉焉能辨糟醅雖同燕幕樂暫免豕蝨危終羞彫蟲技獲
向長者追荆楚紛羽檄瀚海繞旌旗會當磨盾鼻躍馬中
原馳婁侯與武鄉令名千載垂

虎丘坐月

遙對虎丘月亭亭午夜發萬里著澄鮮草樹互幽潔啓戶
聊匡坐正當垂露葉松影靜無聲草蟲鳴不歇疎星猶掛

國朝山人集 卷二 四
樹蒼烟靄未滅忽聽鐘聲來窈然百慮絕

詠史

秦皇未卽位西望勢已雄虎視輕六國鞭笞盡巴庸并吞
雖未畢有若振秋蓬豈知芒碭間已生隆準公匹夫方徒
步雲龍繞其躬白馬繫組來咄嗟運已窮

秦滅項亦感漢皇洵神武群雄盡羈縲英風遍率土如何
白登圍不見階羽舞孝元旣衰庸孝成亦緩懦一旦明光
宮來朝不待組時至莫能禦良非智力取偉哉唐天子獨
能報千古

子魚未入魏彥回未佐齊置身管袁間誰能別雲泥何事
耽榮寵明璫耀金閨昔爲雲中龍今成觸藩羝遂令千載
下歷歷爲世譏寄語盛名子立身慎所持

孟公擅輕俠車馬歸如市伯松好優游閉門擁圖史儒生
貴容儀共羨伯松美一朝貢符命新室拖金紫達人有朗
識結交良有以寧狎屠沽見不通浮華子浮華雖楚楚穢
行同犬豕

由余西戎至日磾亦降臣忠義苟性生愷亮貫明神哲王
恢大度一氣遍冬春山藪悉來王寧分越與秦獨有害馬
者難參冀北群所以聖明世反有投魅人

務光洵高潔與世無所親智略良有濟詭譎卑儀秦吾愛

魯連子意氣莫與倫一矢下燕將數言服秦人長揖不受
賞去去東海濱

滹沱冰未合敵誤中吾指天命苟不存慷慨軍前死何圖
垂翅日杖劍翻然起煌煌四百年帝業同豐汜古來草澤
中豈無英雄士身滅名不章暴骨疆場裏天子洵神靈智
勇安足恃

竇融本仕莽避亂入河西民安富粟帛羗靜偃鼓輦聞有
漢天子萬里赴重關貂璫遍子弟寵祿莫與齊嚴尤亦虎
將始睽終復迷殺身不自惜千載爲人嗤功名視所投良
鳥擇枝棲

田橫五百人青齊遊俠子狗義慕所天飲劍甘沒齒慷慨
漢帝驚葬以明王禮寧知數百年復有捐軀子壽春數百
人拱手軍中死此義渺難及英風歷千祀

唐尊本名士奮跡起草萊委身仕新莽遑恤故國哀莽旣
伏天誅尊亦死漸臺是時嚴先生披裘獨徘徊竹竿方翟
翟垂鈎桐江隈不因文叔起况爲巨君來雲蟠與泥伏相
去何悠哉

君明通卦氣莫救一身亡景純洵奇絕殺身投窮岡時至
勢莫遁任術終荒唐偉哉嚴君平至道通無方授易成都
市持身旣周防言必依孝弟大義何煌煌終如鳳凰翼翺

臣前山人集 卷二 六
翔去八荒

陶公臥北窓時時就美蔭
兩手把菊枝
枯來爲之盡
乞食何足慙
優游守正命
緬懷喪亂時
跬步起瑕釁
任生托青盲
妻淫不敢問
王生坐牛車
道死人莫蹙
慨然念泉明
身安名復令

長夏掩關周草任見餉酒肴作此寄之

首夏長閉關
空庭絕綦迹
車騎到門迴
閒階苔蘚積
倏忽秋聲動
啼螿已在壁
吾家有小阮
能攜酒
殺入青絲絡
滿筐一一好
顏色如何翻
不來阿父獨
敬客

周草病不至家兄湘九主之

是時新月佳
涼風更習習
月映樹參差
風吹花傾側
吾黨二三子
詞鋒驚四射
縹醪酒色清
綠沉瓜味逸
但覺風月好
不知零露白
月轉風漸寒
遂散花間屐
他年遇斯景
猶能念疇昔

送葉岳心

弱冠弄柔翰
於子見親情
結交金石固
意氣振華纓
中道遭險艱
澤畔時行吟
左手搴芳杜
右手採落英
是時惟有子
信誓日以申
世亂人情薄
貴游輕賤貧
庶幾我與爾
相與并
一身如何爲
饑驅子客東
海濱
花月相代謝
行已歷冬春
自子棄我去
總帳生埃塵
東岡獨舒嘯
西澗獨垂綸
豈無車馬客
悠悠非所鄰
今秋吾子歸
殺核左右陳
邀爾

舊時交觴詠答芳晨何期復送子落日滿重闈荷華委南浦蒹葭老江津瑟瑟菰蒲響哀雁多遺聲人生無百歲離合亦以頻矯首長嘆息志士含苦辛

九日招同人登高

秋高氣澄鮮眷言此令節攜我同心人佩萸追往哲山厨蔬筍靜執爨盤殮潔一飯欣已飽岡陵互超越雖云登頓勞聊以舒鬱結選勝得美蔭倚徙侵石髮視彼泉下人千載形影滅晝長鳥雀窺夜深松柏列當其壯盛時意氣干虹蜺嘆逝旣如斯不樂知者啞少長屢遷坐諧笑無時絕雅調旣輕幽長笛彌激烈爲樂方未央白日俄已沒浩歌歸去來石上娟娟月

詠懷

深山有孤松高枝拂雲日上巢千歲禽下臨百仞石郢人曾驚顧嘆爲棟梁質天子造明堂斧斤雜丹漆一朝世事改銅駝臥荆棘棄置委路旁剝落寡顏色翻令樗櫟材照耀驚輦革

江東有一士弱冠馳盛名深巷獨抱膝管樂人夙傾天子臨軒試千騎擁專城煌煌大司馬玉帛賁茅衡寧知魚目賤不及夜光明馳驅十餘載歲晚竟無成雲臺有遺議處士盜虛聲所以殷深源千載爲人輕

斥鷃翳蓬蒿群飛聚儔侶蝟鳩在榆枋啾啾相對語饑爭
覆車粟飽集河間渚決起意自得縱翮聊容與鳳凰東方
來五采耀其羽游戲紫雲端下視絕灌莽衆鳥不自量凌
風思共舉所志在竹實寧得矜腐鼠

東家有好女白皙髮如漆十三學詩書十五工蠶織嫁爲
良人婦和諧若琴瑟貯之金屋中鴛鴦慕儔匹中道喪所
天雙栖忽影隻盛年處閨房深夜長嘆息蕩子桑下來懷
金道相憶一旦信誓改委身侍君側但知春華好寧悟霜
霰集棄置不復思淪落歸荒陌爲歌黃鵠歌垂淚偷向壁
神龍乘風雷俄焉蕩失水妖蛟舞其旁暴鱷戲其尾低昂
迭欺凌紛紛雜魴鯉龍神固不測胡不舊迅起至道貴屈
伸寧蟄重淵底一朝重雲合群魚驚相視舉手謝群魚如
君安足齒不見淮陰侯不殺舉跨子

青州有隱士徐劉載史書開門喜教授弟子數千餘盛名
滿宇宙天子下蒲車竊恐異韜晦莊生戒蟻知獨有汜稚
春清淨好深居生徒悉散遣山澤聊自娛我聞欽高風恨
不與之俱誓將去塵俗帶經獨荷鋤

朝倚衡門望農夫負耒過問君今何往答云赴開河爲里
旣已遠爲日旣已多富室黃金盡貧者獨荷簞金盡力已
敝猶聞長吏訶聞之令人悲惻惻涕滂沱因風勸加餐毋

作勞人歌不見閩粵間千里日枕戈

偶隨樵者去言過馬鬣封高松半摧折石麟臥春風龜跌
苔蘚積麥秀何芄芄當其壯盛時意氣凌三公後房羅翡
翠前堂食鳴鐘一旦繁華歇蕭蕭卽立宮唯有野棠花隨
風落殘紅

種樹種桃李所戒栽荆棘桃李春來好荆棘還自賊少年
慕結交開徑期三益峨峨何方士冠蓋爭翕集自矜金石
固意氣莫與易何意轉盼間見金不見德昔爲漆與膠今
爲原與隰悲哉管幼安所以遂割席

何胤食蚶蠣翟莊弋飛走彼皆棲遯人何事恣腹口維時
寄禪房清靜一無有不食五侯鯖兼謝庾郎韭筍蕨洵佳
餐杞菊足糧糗一飽自有餘學彼鼓腹叟

漢明感冥像佛教入中邦達磨渡江來厥理益鴻章所以
千餘年照耀垂八荒如何至道衰鬪諍乃益強蕉夢鹿中
迷蝸角互分疆更有浮夸子高坐擁匡牀譬彼爝火明欲
比日月光譬彼輿僿賤竊自擬帝王苟無一木支吁嗟漸
淪亡

陽春二三月楊花繞樹飛或向重茵落或望濁泥吹重茵
何足慕濁泥何足悲落地分貴賤苑枯各有時蒙莊與蝴
蝶夢覺迭相爲所以古達人抱蜀常自怡

落日照柴荆攜杖肆遐矚偶逢樵採人班荆序心曲依依
農圃言歷歷過原陸放懷任所之前路阻修木崩岸饒蒺
藜周道翳桑竹欣然輒返駕疎鐙出茅屋童子方候門脩
然適心目不知阮嗣宗何以常慟哭

近夏草木繁晞髮步庭除或言太閔寥視以手中書書中
何所記高士坐相於或發蘇門嘯或荷柴桑鋤或獨垂溪
釣或共挽鹿車遥遥曠古人高風與之俱何必師與友一
室森有餘下視塵土輩戚施雜籩條

中散厭弔喪東臯謝婚冠游心入玄虛塵網何足絆曉起
傍簷立仰見星有爛挹露自洗竹藥畦課僮灌日出還入
戶焚香習冥觀蕭然無所思至得非外玩停午卧北窓涼
風襲虛幔鶯聲旣輕揚花影復零亂只此足自怡敢發鴻
鵠嘆

楚宮好細腰美女多忍饑邯鄲貴婦人遂爲帶下醫舉世
皆混濁吾亦啜其醜驄馬誰家子侃侃乃自持立身好清
潔疾惡戒蔓滋豈知衆爍金桎梏不可弛嗷鶴有餘嘆散
髮期何時寧如冥棲者方採商山芝

前邨滿柔綠名籃茲地開與客聯袂行縱屐歷蒼苔入門
何所見鬱鬱羅嘉材堦前翻紅藥樹杪摘青梅茲遊絕清
曠心賞良悠哉何必會南皮壺觴置高臺

荀氏有八龍少長悉超軼淵明五男兒乃不好紙筆崔觀
老而獨貲財皆散給天運信不齊盛衰良非一達人好冥
觀何失復何得四世爲三公貂璫如雲集請觀數傳後高
門獨杞棘

十月氣暫煖桃李相向開翻翻南園蝶聞香競飛來寧知
旦夕間霜雪迭相推倏忽朔風勁零落隨枯芟寄語蜉蝣
子聽此雍門哀

夙昔夢山澤時年若童穉絕壁倚層霄叢竹凌風翠深澗
湛如空窈窕幽谷邃予時緣崖立濯足流泉細覺來兩腋
輕猶若釣天墜中年羈塵鞅此事行棄置竭來樂嘉遯返
服衣薜荔萬事何足言丘壑從此逝烟波有釣徒諒哉斯
意遂

幽居何所好有客善彈琴入夜氣清肅揮手寄幽尋淙淙
泉赴壑蕭蕭風著林切切蛩曉語淒淒蛟夜吟忽然入窈
冥靜聽寂無音曠哉絲桐理能合大化心

振屐繞岸行翛翛撫脩竹忽聞茅簷下少長盡一哭問君
何爲爾壯子行就木昨暮猶爲人今朝膺鬼錄對之發長
嘆人命抑何速吾今強仕年循髮驚已禿七十以爲期前
塗行以促行樂貴及時日入繼秉燭

君子化猿鶴小人化沙蟲一氣迭更變流蕩何時窮仙人

王子喬教我學冥冲攝氣鍊精魄至化會環中一年顏色
好二年肌體充三年漸輕舉矯若雲端鴻虹霓以爲佩游
戲駕蒼龍

迢迢何所思良人隔蒼梧道路旣險艱瘴癘復盤紆虎豹
對我嘯狻猊向我啼其左游蛇虺其右飛鼪鼯哀哉萬里
遠誰識夫壻殊吾欲奮從之傷無羽翼俱矯首長嘆息明
月照賤軀

盛夏百蟲遊屋角垂蛛絲翩翩雙飛蝶倒骨不自持蜘蛛
良獨喜蝴蝶良獨悲豈知墻頭雀側日方苦饑

灼灼東園花青翠間殷紅蔚若朝霞布爛若披錦叢皎皎
游冶郎垂楊係驕驄娟娟誰家女油壁垂玲瓏一旦東風
起飄落無終窮殘紅棲碧草素枝條已空物運有盛衰請
勿怨東風

晏息齋房中青鳥前致書長跪讀其語王母有好辭念子
雅慕道召子神山居珠樹高千尋白玉爲堂除蒼麟灸爲
脯窈窕羅名姝再拜欲命駕還坐復躊躇諒無垂天翼寂
寞守舊廬

周鼎漸淪喪慷慨學從軍結交周亞夫服事馬服君出入
魚麗陣還經鸛鵝群寧知時命改駭若燎火焚歸來悟至
理揮手弄白雲誰能浮生內遙異麟閣勳

釋教西域來宮殿鬱嗟峨老子有遺訓玄學如雲羅如何
孔氏業日下等逝波弱冠好學道冥心期切磋傳疏陋孔
鄭箋註卑服何大哉至人心要眇豈在多顧以薄弱姿未
能振頽柯敢忘將伯助一爲返絃歌

良月何皎皎光輝照前除修竹吐蒼翠嘉樹鬱扶疎中庭
列羞饌簫聲起座隅高亮切雲漢幽咽歷清渠人命非金
石過日如隙駒今我不爲樂百歲將焉如請君更起舞同
醉臥糴稊

送葉媚初

春風無定時吹我門前柳忽憶同心人驪歌起馬首昔與
子相親歡若身與手謂當常相於終歲存阡畝如何一帆
疾遙指滄江口

弱齡意氣驕笑語雜相陳瑣瑣非所慕管樂庶足倫一旦
風塵改繫予志未伸子爲搏風翮予爲失水鱗中夜起長
嘆戚戚非賤貧

置酒於曲房雜陳鯉與魴魴鯉旣已薦醴酒亦盈觴且盡
今日歡無爲鬱中腸不見中天日光彩復西藏明朝遙分
手雲樹徒蒼蒼

躊躇執子手古人貴贈行贈行將何以重若璜與珩蒼生
良已望努力崇令名江湖多風濤花萼無停榮跂子早歸

來東岡誠可耕

陳烈婦詩

四座且勿喧聽吾慷慨吟僕本崑山士夙昔戎馬侵滔滔
血成渠白骨蔽郊林豈無姬與姜粲粲羅華簪一旦被劫
持大義違所尋陳氏有好女蓬戶結褵衿未親詩禮訓寧
知敦琴瑟靈質自天耀允矣邁古今山中有雄狐綏綏夜
相臨橫刀搯其胸力弱不能禁反覆中要害畢命於重陰
哀哉日月晦亭亭天地心豈無姬與姜惶惑多滯淫

吳風重節義賤子請具陳昔年松陵婦志節動鬼神閭里
爭翕集煌煌達帝闈大官捧詔來綽挾高其門府吏乘軒
來照耀隘通津縣官騎馬來羊豕羅雙罇縉紳徒步來操
詞弔其魂匹婦何足重所貴大義申陳氏有好女高蹈薄
蒼旻奈何俱寂寂浩蕩委荒村貴賤各有時古道久沉淪
爲我語好女勿復含苦辛西山高峩峩湖水白粼粼山川
同竦峙薄俗詎敢倫

送呂梅夫歸浙

白日方東升忽焉復西匿羲和轡不停四序迭遷易初見
春華開俄聞秋葉槭歲月如轉環人生何跼蹐憶昔曾送
君河梁聊憇息荏苒越一紀重過玉山側君年旣踰艾余
髮亦改昔鳳悲何德衰麟出非其國中心鬱盤紆怛怛良

以亟君來不須吏征帆忽云隔是時秋風厲玄蟬聲已默
嚙嚙沙雁鳴湛湛楓江白景物既悲涼况當驪歌夕醴酒
亦盈觴用以餞行客別緒何由申黽勉從令德

丘中有一士

丘中有一士引身置羲黃散髮時不理隱几據匡牀渴則
飲清泉饑或採菰蔣不語復不笑怡神守中房有時還杖
策徒步登高岡縱心入窈冥慨然歌陶唐俯視巖花落仰
見時禽翔物理各有得允矣神無方歸來掩衡門嗒然我
已忘

丘中有一士結髮事詩書輒復鄙章句游刃貴在虛緬懷
晉陶公歌嘯以自娛乃不求甚解茲意將焉如俗士專固
陋守筌而求魚譬之劍久沈刻舟徒躊躇大哉聖賢心廓
落惡拘墟彌綸罔不周得一蔽其餘誰能領其要澹然神
明居笑彼張茂先徒擁三十車

丘中有一士少年好結交九州萬里人置驛相遮邀中年
遭喪亂意氣滋蕭慘脫身走山谷乃復友漁樵黃冠三四
人時過不待招亦有白足徒擁杖同逍遙豈皆高世士獲
聞玄著超猶勝車前騶聊以永今朝

丘中有一士散誕無所有時或聊自怡寄興在杯酒何以
理盤榻春夏羅菘韭何以貯醇醴匏尊雜瓦缶何以悅耳

目濯濯三春柳何以合嘉賓酒徒真吾友取適不取餘但
願杯在手欣然時一醉深荷天地厚不知天子尊大椿胡
然壽

秋日觀田家穫

所欣不在餘衣食獨爲要誰能十日饑以要時譽好世去
義皇久民生益顛連端居多憂患反在下溼田土膏猶未
動官吏已造門徭役百端出怵惕傷心魂秋日隴雲飛行
行至田家將當刈穫候黃雲欣滿車綠酒已滿壁兔麥復
棲畝不獨幸時和誇此好身手終年盈口腹終歲謝公府
吾生獨不如嘆息此田父

田父前致詞斯言殊未然請得述所懷淚落如流泉仲春
始荷鋤已無粥與餽私家實所賴丐貸且十千今年值年
豐嘉禾幸被川計息聊算緡盡室行磬懸綠酒雖盈缶兔
麥雖棲田君看初冬月餅罄衣復穿水旱况洊至誰能常
有年吾聞三嘆息轉側坐未安聊向田父言未若官吏難

擬古

麋鹿在山林命乃懸庖厨翡翠巢南海充君掌上娛齒焚
古有戒深藏洵非誣至人識物情善寶千金軀寧爲亢鼻
豚不作繞樹鳥繞樹懼彈射亢鼻乃無虞

遊橫雲山感李氏廢園

陶淵明集 卷二
昔聞李氏亭層構橫雲上綺麗比金谷鮮華非一狀翠閣
啓朱扉青楓雜丹嶂當其全盛時侈靡洵莫量婀娜百子
釵窈窕流蘇帳俄頃二十年遇物多悽愴層巘委榛梗迴
廊發樵唱怪鳥深夜啼狐兔晝相傍繁華如逝波山水獨
清漾崇巘干風霄疊石砑相向其下饒清池疏鑿類天放
余本澹蕩人軒冕非所望獨深烟霞情聊以豁幽暢遇景
遂流連所至卽敦杖會當結茅茨攜手恣放浪因感阮生
言人生屐幾緡

題陶淵明飲酒圖壽湘九兄五十

憶昔先大夫強仕已懸車素懷無所尚夙好在琴書維時
吾子姓總筭五六俱賤子與吾兄比跡好樓居晨吟雜曉
風夜誦散啼鳥出入必縈手端坐歷三餘有時任弛張嬉
戲下庭除或建大將纛或奮偏裨驅或效蘇武節或學淮
陰漁放浪無不爲竹馬焉足如倏忽年舞象兄也泮宮趨
賤子徐復來儒服聊拖紆抗懷秋日明擿藻春華敷琅琅
推照耀噲等視俗儒顧與兄獨好晨夕必相於烹雌恒相
召醺酒時見呼詎云非同父志合情不殊一旦鞞鼓動遺
恨於鼎湖兄旣毀儒冠弟亦棄軍繻窳身歸草澤帶經而
荷鋤時見搖楓柳時見採芙蓉時見雪滿岫時見月盈廬
步屨無不從歌嘯以自娛薄俗多感慨荏苒歲月徂兄日

嬰塵網弟竟罹憂虞頗受劉翼罵兼被醉尉誣以之與息
影去去山之隅兄既悲離索弟亦念德孤每有短札來嘆
息情嗚嗚今年值知非四月兄懸弧賤子在山中情親何
以攄紫中摘仙人令画淵明圖佐以鄙賤辭此意良非迂
人生非金石萬事歸虛無此中止可飲斯言達者徒願兄
蓄美酒招邀坐綺疏夏採笠澤蓴秋鱸松江鱸弟勸兄則
酬適志忘朝晡劉伶既已放李白亦已疎尚友千載上未
若淵明都一醉化蝴蝶何必凌蓬壺

臥龍山人集卷二終

臥龍山人集卷三

崑山葛 芝龍仙著

七言古詩

贈別葉岳心有懷諸子兼悲往事

憶昔朝廷全盛時諸公落落氣何奇入門一揖無賓主僕
夫相見各相知樽酒論文當永夜珍重平生貴不欺樂極
歡盡悲亦來禍福倚伏無常期何郎何子泠泠寒泉沸玉
埋蘭萎為異物大周周子袞袞長江才墓松五尺人髣髴
當時相顧涕泗洩燒琴掛劍心陶鬱何圖昨歲北風吹
築聲來殷地悲朱公朱子素為鄉祭酒杖劍奮發登城陴

玉山既効長平坑忠同鴟夷江浮屍儒宗嶽嶽推陶公陶子

琰身統義旅來從戎中道忽聞城崩陷歸家自縊乘天風

南陽葉子皎皎凌霄姿白雲繚繞寄所思杜鵑聲中喚歸

去公無渡河今何之大者顧生顧子小徐郎徐子洸洸流

血卧北邙更聞汝南小周子周子髡為奴隸兼受創嗚呼

吾徒已如此存者數公今何似盛生脫身臥滄江盛子歸

郎索米荒村裏歸子武陵兄弟山中匿顧子囊篋探盡空

見底諸子長齋繡佛前諸子一身幾復同羅雉隴西小者

清妙才李子日暮空庭徒倚徙南陽有弟今莫儔葉子念

我時駕木蘭舟更得柴生連阡陌柴子風清月皎恒相求

張公遠從婁水來張公放言合志同唱酬此時憶君不可

見故人如君已足戀傷神遙望燕翩翩感時獨對花片片

忽聞剝啄聲何急開門見君淚欲濺牀頭無所有勸君一

杯酒淚雨復淚雨非獨與君厚知交零落委丘山存者寥

寥誰復久新詩讀罷各長吁笑聲欲出難出口清晨語我

欲歸去執手惘然翻百慮豺狼載道不可行更期後會不

敢豫昨夜西村遭劫戮蔽天烟火何匆遽去來生死本無

常吾道自無流落處願君堅保松柏心莫學隨風飄柳絮

秋風嘆

梧葉墜兮秋風飛白露團團曉濕衣啼螿夜泣芙蓉雨征

雁貼雲呼其妃昭昭白日已西馳倏忽霜雪凋人肌北山
松楸塚纍纍妖狐怪鳥暮來歸少壯不力老大悲嗟爾擾
擾欲何爲

爲顧茂倫題濯足圖

羿射日落天地昏萬蹄蹠躐起征塵馬首遙傳巢許拜誰
能東海獨持綸此君意氣殊不然身踞盤石俯長川千章
夏木遙相對一片清光落眼前蒼葭白葦繞無數千百輕
鷗下洲渚踪跡久矣謝人群閒鳥閒花相爾汝舉足簸蕩
日月光大魚小魚咸迸藏有時斂足還不動風吹荇藻盈
其旁千古興亡原不一漫學行吟百端集回頭倘遇蘆中

人此地已非闔閭日

送空林禪師隱越山

十畝清池菡萏香蒹葭如帷鬱蒼蒼吾師高卧無一事月
似霜白侵人涼無心魚鳥就掌食忘機漁牧共徜徉夜來
忽夢越山好扶杖直入縹緲鄉千松萬壑窈然靜乳虎狡
兔盈其旁問師此行何所事笑言去來了無意來似清風
出壑時去如明月歸海駛若問風月爾何爲風月無言自
來去有時山頭望故人遙指白雲最深處

壽王賓之五十

秋風慘慄雁北來梧桐葉落黃花開王生正當懸弧日置

酒邀我登高臺酒中爲語平生事慷慨不惜玉山頽王生
少年通文史二十不成去鄉里揮鞭北上過薊門黃金臺
下落日紫峨峨宮闕出雲端五侯甲第屯雲烟珊瑚木難
燈市裏玄羆綠豹上林邊我過三十不得至却羨王生逞
良驥歸來散盡千黃金繭箋聊寫鍾王字至今聲名走藝
林可憐投筆功難致年來瓠落益非常猶持麈尾踞胡牀
佞佛時遊祇樹下避客羞游梁肉旁一生窮愁今五十那
堪倏忽鬢毛蒼吾勸王生一杯酒世間萬事真何有西家
富人鳴鐘食已看蕭蕭蒹葭衰柳東家相府雙戟重門可羅
雀君知否莫嫌自種十畝田長歌拾穗猶可餐莫嫌衣袖
露兩肘短褐衣之狐貉溫春時桃李秋菰蓴南山倦游北
水濱逍遙百歲騎蒼麟卽是當年帶索人

八月十七夜諸子招往東山看月卽事

秋雲翳鬱夜沉沉佳遊阻絕愁人心倏忽長河仍鮮潔疎
星歷歷掛高岑吾徒好事見之喜解衣散髮相招尋坐中
復有軒轅客時支鍊師在座蕭然直上橫披襟踞石岸幘對尊俎
百罰不敢辭杯深醉中各陳棲隱志長嘯自合山水音歸
來明月漸西落浩然風露侵衣簪雲端歷歷雁斜度草根
切切蟲悲吟嗚呼時危未敢求騰驤何以自娛惟醉鄉劉
伶小子差足喜陶潛千載遙相望今我不樂白日逝試觀

國朝詩集卷三
四
纍纍委北邙明朝江上聞潮漲看予還入少年場

雙槐歌爲王郎作

江左王郎烏衣客手捉麈尾坐白日庭中竦列有雙槐迸
石凝霜凌百尺垂垂細穗影自低離離鼠耳蔭芳堤形如
帷蓋籠油壁勢若盤螭出深泥其下不聞朱輪走其上真
合神鸞栖雙槐傲岸臨春風深藏不受秦王封何況楊花
縱橫舞長條窈窕覆隋宮王郎對之神飛動有時玉笛堦
前弄花發寧隨舉子忙夏長憑說枯根夢

贈別杜太傅岌武

君侯昔日起榆中手挾雕弧建大功蹠血曾過青塚下塞
旂直指受降東結髮大小七十載首縛名王繫鐵驄懷中
幼子皆賜爵帳下材官蒙恩澤天子幾迴開廟門將軍次
第陳得失異代曾稱郭汾陽君侯功業略相當非獨安危
一身重其時豪貴亦難量後房粉澤迷花氣法部宮商奏
霓裳申酉之際何紛紜黃巾青犢日揚塵鼎湖旣見攀髯
墮五馬一龍渡遙津天道茫茫不可測降幡又見石頭出
慟哭歸來掛角弓欲尋四皓採芝术遙指玉山是故鄉頗
饒蟹舍與漁庄征西左癖由來事子美自結灑西堂下走
蒙公夙所許鄭莊得交大父行方期阡陌同雞黍征帆復
往金陵去曾將尺鯉道慙勤細訴淒涼不堪語茂苑春日

鶯花繁梅花如雪柳條翻君侯此日揚舲後空使烟月停
芳罇

題門前山畫卷贈葉石農

我家門前近廣肆市魁伍伯紛紜至鮑魚石量臭莫當鵝
鴨聲喧欲倒避撲面惟驚庾亮塵醉歸遙呼山公騎如此
喧囂良不堪誰云近市晏公智屋後却有好山在樹樹籠
雲多變態春日風光轉綠蘋秋深烟月恣清靄山寺腰藏
映日斜石根莎草青於黛曳杖時來一躋攀百里雲霞指
顧間好鳥送歸沽酒處輕舟正泊釣魚灣此時試問石農
叟何似君家門前山

白使君謠

玉山山下樵採客刈薪曾向江東息江東父老愛留賓邀
之共入蘆花宅宅邊穉子盡嬉嬉牛羊散牧雞樹棲衡門
不掩犬不吠牀頭有粟帛在機爲嘆此中何淳古向人自
誇好官府遠祖江州舊有聲起家三韓蒞茲土前年胥吏
飛食人自公至止爲恂恂抱牘植立公庭下虬鬚不怒民
不嘖前年鄉曲多武斷自公至止欲奔竄大者撲殺次遣
决皎若雲散星辰燦前年漕卒暴如虎自公至止遏其怒
俯首江臯啣尾行輪輓先期達三輔長吏深居亢莫儔都
尉不聞謁龍丘公曰余敢忘灑掃至今高士從之游巨川

已塞瀾兼葭湯湯不流民無家公曰余敢忘濬鑿至今百
里浮長艦我公之美不勝書聊爲舉似洵何如君若不厭
風土薄何不攜家傍此居我聞此言發長嘆獨步中庭心
歷亂同是江南澤國民哀樂胡爲隔雲漢白侯卓行千古
傳不數渤海與潁川願同里民稱萬壽侯今三十方壯年

鄧尉看梅歌

鄧尉山中種梅樹高下谷量不知數朝起疑飛鴛瓦霜晝
行似捲章臺絮仙人舊住水晶宮鮫綃淚落珠滿地如此
風光絕代無庾嶺羅浮何足語人家競繞梅根居女執柔
桑男捕魚茗柯春淺旗鎗短泉聲百道流清渠婚嫁不出

花樹下社鼓常雜香風疎此時王孫意氣游寶帶珠舄雲
霞裘水嬉已蕩青雀舫馳道斜衝雙紫駟盤中豐膳無須
促壺裏清縹不待求董君綠幘隨絲障油壁迎人字莫愁
別有紛紛大堤女繡鞵紅袖空中舉兩兩笑語映垂楊盈
盈倩步歷沙嶼登墻疑窺楚大夫近水還應俟交甫予也
江湖澹蕩人平生丘壑情相親六度看花花是舊十年華
髮髮成新冉冉風光不相待復憐花落旋成塵今年看花
更得久烟霞有主須吾友

俞無殊

坐我高軒洞壑清落落群

峰盡入牖晴時便擬踏花去薛能

薛歲星

姚合

姚文初

此間遇

摩詰山中正灌泉

王雙白

孔璋罷作愈風賦

陳皇士

連袂相將

此日游香風十里迷客路有時風雨還閉門齋居安坐清
心神烟嵐變幻濕荷帶撲落飛花上酒罇詩成遙得山僧
和杖策時聽泉石喧或正枝頭或依草暖固融融雨亦好
竭來十日恣游觀半生烟月開懷抱便擬移家傍此居不
是溫柔亦足老忽憶晴光遍虎溪朱樓畫舫橫塘西
夜卧石邊月斗酒遥聽樹上鷗真如蜂蝶競尋春朝採山
花暮水蘋便攜短棹凌波發何地花飛非錦茵却恐來時
不知路寧獨桃源迷問津

葉水部蘭園讌集歌

綠野堂中成廢園奉誠園裏雜灌莽河陽金谷滿寒雲習
家池館走狐鼠繁華一去等流泉誰向平原開島嶼水部
先生能好奇鑿山疊嶂引川陂入門萬竹參天綠繞戶千
花一望迷綺樓高閣空中起玉山倒影明窓裏曲澗縈迴
洞壑深清波瀾瀾石齒齒此日春光映戶來此時百樹梅
花開日照新晴疑積雪風吹香氣落亭臺冉冉韶華寧常
在人生不樂今何待喚取秦青爲我歌更有莫愁嬌綠黛
相邀賓客集聯翩森森玉樹羅堦前清歌一曲令人醉花
光月色兩茫然逡巡欲起還被肘及時行樂君知否昔時
將相逞雄略今日蕭蕭蔭衰柳劉伶李白稱達人墓前不
得酬杯酒况我蹉跎君非少何不金樽常在手感公此意

民前山人集 卷三
爲流連美酒直須沽十千痛飲百觴公莫笑醉來暫向花
間眠眠時花落驚還起出門啞啞烏啼樹

贈陳藹公

梧桐葉落大火流南國蟹稻宜清秋十日淋雨多泥淖主
人仰面心殷憂忽聞門外高軒集有客入門向予揖化作
奇氣橫九州賓客無言皆辟易惡呼斗酒出飲君自言本
是江南人文皇大業起冀北自此躍馬稱勛臣少小便挺
渥洼姿十四對客好題詩都督筵中妃子膝可憐聰慧如
同時弱冠好作梁園賓往往醉吐丞相茵傲岸思引車卒
飲長揖不拜大將軍今來作客到三吳素書短劔日歌呼
園亭冠蓋群翁集儒生往往雜酒徒嗚呼天下正慘澹應
有英姿出俯瞰如君固是不羈人手驅六合風塵暗僕本
江南釣魚客朝過九峰暮笠澤十年心計在烟波醉來一
聽興亡積感君意氣爲君歌甯戚白石不足多回舟若向
涑水過祖逖擊揖今如何

過南郭先生草堂感賦

南郭先生住南郭抱樹緣溪結茅屋朝破蒼烟看犢耕暮
沿明月倚耒讀自從射策登明堂高文大冊垂八荒秦山
越嶺通縞紵三韓七閩爭梯航弟子紛紜莫知數危冠峩
峩塞道路羞聽絳帳美人歌獨擁關中臯比座開府參軍

臨龍山人集 卷三
咸趨風軒車往往來群公先生白恰匡床坐高譚落落如
長松坐中年少衛洗馬自許不在王郎下一發已中孔雀
屏分甘曾食白龍鮓是時天下方熙雍鶯花十萬推江東
西冷烟雨茗溪月步屨所向能相從何期一旦風塵改抱
書奔竄經幾載已覺琴尊四壁空况復徒驚酒壚在我來
俯仰益凄然負郭已無二頃田地宅推遷更新主僮奴散
去耕溪邊獨有殘楊數十樹寒流激激繞根注板扉白屋
倚繩床嘆息先生受經處

送楚拙上人還山

金羈玉勒如花姝考鐘伐鼓吹笙竽黃河倒瀉鸚鵡綠滿
堂賓客高陽徒忽驚身世如流電翻身直走桓因殿山中
猿雀夜相呼縹緲雲峰垂白練元龍豪氣猶未除維揚烽
火燒天樞馬上美人啼粧墮揮金不惜千明珠豐城劍合
拂衣去功成受賞徒區區昨如孤雀來山縣戲托唐舉邀
相見衛青正雜人奴時淮陰敢負封侯面謂我終非山澤
姿英雄未遇宜守雌龍飛大壑鵬經海風雲會合會有時
執子之手聊一笑應憐寂寞還相勞頻年踪跡寄秋雲閒
心久已耕瑤草鹿門漢陰是吾師世上公侯安足道朝來
別我還山去樹上蟬聲鳴忽住紅蕖綠浪送征帆故山猿
鶴仍相遇千里林巒遙在望洞口烟霞非一狀微吟何處

忽相思令予心在千峰上

贈楓江張生

天下風塵方蔽天英雄落魄豈徒然或學椎埋或屠狗或
爲羽士或逃禪余時方在禪玄間相逢張生方少年墻東
賣漿聊寄跡吹簫販繒相周旋坐我高樓飲我酒主賓一
吸鯨窺川醉中往往不快意有時淚落如流泉一別遂爾
三四載百里之內同幽燕微聞張生方註誤頭囊三木肌
膚穿范睢脅摺曾佯死貫高入獄真可憐欲殺不殺天意
在此輩安得專其權今年復遇楓江側鬚麋蒼蒼已改前
細語爲道當年事蒼茫直墮如雲烟張生張生我語爾胡
不見秋日之鷹鷂一擊不中卽千里戢翼蹋翅下與縱博
游冶少年相比肩惡沽美酒須十千醉來便就吳姬眠春
時常發看花騎雪後還牽訪戴船

貽程翼蒼學博

程以翰林改授

秋風入林聲槭槭秋江湛湛水生碧百里丹楓銀杏黃正
是懷人當此夕忽聞軒蓋翩翩過長裾雜佩冠巍巍誰能
至止衡門下新安先生訪薜蘿先生舊是玉堂客作賦曾
向明光擲一麾來坐道山亭三吳子弟生顏色若邪山下
講堂開絳紗帳外羅英才石渠虎觀參差是稷下鴻都何
有哉余本山中樵採客釣魚還過江邊息素無聲譽動公

卿敢邀車轍臨糠覈折節自古推信陵執轡虛左市人驚
慚愧身非鹿門老道傍能立劉景升更投一卷同冰雪出
水芙蓉光照葉已知擲地作金聲復覺蛟龍氣滿篋執卷
還坐一長思豐城劒合豈有時公卿久矣不下士此道令
人長嗟咨冬來飛雪點紅巾明春梅花映水新返棹寧爲
訪戴客驅車終爲御李人

虞山項君於乙酉年死今歲其母氏七十敬壽以詩
吾生未曾識項生項生志節何嶙峋去今已是十五載不
知尚有高堂在高堂壽母來雍雍階下芝蘭已繞叢玉芽
珠樹人爭羨忠孝還應學爾翁此時里門前稱壽酒瀉黃
河挹北斗空中項生亦歸來文狸赤豹相先後

關西都護行

關西都護起編伍自誇身手健如虎馬上殺賊破黃巾紛
紛鼠子何足數慷慨常思學冠軍功名直欲追破鹵一朝
動地金鉦來蒼鷲滿地飛塵埃大帥軍前拔劒死麾下稽
首棘門開自此從征到甌粵十萬軍裝盡浴鐵五羊七閩
俱披靡趙王臺下聲流血丹穴之君尚可求丁靈早已虧
臣節由來此地富琅玕火齊犀象間木難黃金如山高至
斗百斛珍珠繫馬鞍帳下材官逞雄武帳中美人齊歌舞
歌聲幾欲遏雲行舞態直疑凌風舉金谷傳觴錦作圍章

臨龍山人集 卷三
臺走馬粧欲墮樂極驕奢信莫倫金拌洗血貯美人曾聞
一笠猶行法况說窮搜盡海濱故家不復存程卓十室今
已九家貧天道神明不可忽高明鬼瞶傳自昔擢髮方見
千人指竄首徒營三兔窟一紙書來千里馳罷官促令急
歸旗淮陰已失登壇後衛青復作人奴時歡呼直欲徹窮
巷去去誰復令人思更聞執法已入告九關行欲囚虎豹
杜郵鐘室是君恩倚門不復能長嘯傳之道路雖未知倚
伏往往迭相召從來淫暴無令終達人所戒在高崇君不
見芸輝堂圯胡椒滿郿塢金多臍火紅念之至今令心悸
上善若水真英雄

將入山留別同志

弱齡慷慨好結交往往高視凌其曹席門嘗來長者轍荒
巷時過軒車高相逢燕趙悲歌士鄒魯文學楚風騷千里
百里齊命駕贈以縞紵雜佩刀還視里中兒瑣瑣不足爲
出門經里社矐目無相知就中獨有十數輩吐氣落落人
中奇冠以切雲帶櫛具四夔八俊交相期春日遊竹林秋
日宴南皮高談何嶽嶽不顧流俗嗤一自兩京相繼沒故
鄉遍染陳濤血吾黨十數公志氣誠超忽或効正則沈或
秉畫邑節殺身或藏複壁士遇害或擊中流揖亡者固已
矣存者多生別走也脫身臥荒丘嘗乘款段下澤游有時

學向簾前卜不然還僧墻東牛三山採芝便欲去却因親
在足淹留今春罹酷禍所天溘朝露一畝闢玄宮敢云置
萬戶從此終爲麋鹿群蕭蕭雷雨夜繞墓兼之交道衰古
義棄如土故人方貴已見疎何況新人不如故歸去兮山
中白石兮青松梅花樹樹如飛雪桃杏千巖飄亂紅數道
清泉繞深樹鐘鼓沈沈出梵宮便當結一廬托名無是公
朝依兔耳士夜隨采菱童諸君旣已賦遂初安能鬱鬱久
此居蒼猿黃犢遙相待襄陽耆舊今何如便請朝夕挽鹿
車走也爲君先掃除

送弘人聞夏謫塞外

金井梧桐一葉落秋風絡緯聲蕭索迢遞銀河星月稀微
雲疎雨侵簾閣登高遠望迥足愁渺渺層波雁初泊吳郎
兄弟出江城結束征車萬里行破帽短衫臨大道稜車駑
馬歷長亭吳郎昔年參貴游弟兄文筆近諸劉中原士族
崔盧後江左烏衣王謝流大兒小兒不足數昂首青雲思
騁步何期一跌遂差池愛弟先鳴却成悞由來絕塞信難
居雪花如掌落穹廬日暮歌聲遊魍魅霜寒蛸縮遍豪豬
敢望尊羹點鹽豉徒聞蹲釣得盈車其地無鹽多魚吳郎對之心
愁絕慷慨還擊唾壺缺酒後嘗思笠澤雲夢中猶記江南
月我爲吳郎一放歌歌闌起舞影婆娑幕天席地皆鄉縣

禪中之蚤何足多更勸吳郎一杯酒世事循環子知否管
寧遼海終得歸李白夜郎仍不久斬王墓前一片霞司徒
祠後千畝花昌亭美酒應無數吳姬十五弄琵琶遲子歸
來執子手看子醉入吳姬家吳郎聞之暫破愁扁舟匹馬
去悠悠

黃郎行

黃郎家居傍震澤平生肝膽無所惜一笑曾散千黃金紫
髯白眼光四射羞稱鄒魯文學士結交燕趙悲歌客壯年
不葷復不娶有似山癯學面壁一吸却能盡五斗醉呼豪
貴爭辟易今朝別我游薊門雪花亂落大如席定有公卿
倒屣迎黃郎大笑祇長揖薊門故人與我厚逢君拊掌恣
歡適吾聞長安紅塵浩如海執轡結鞵恐非昔三月鶯花
應早歸與君醉卧南山石

贈僧僧舊從軍

疋馬雙鋌笠澤路蓋弧一麾軍心怒橫海樓船動地來拔
劍側盾筵前舞結客還過越王城相公幕下共論兵細柳
將軍軍容盛五陵年少盡逢迎旌旗夜黑枕椰堡組練朝
開翡翠程黃圖歷數俄欲改伏波下瀨爭投海穴中之虎
忽然爭功罪反覆無定在帳中已斬冠軍頭關內復聞龍
釀醢太息時事不可爲勇退悉解麾下師絳容紺髮落伽

寺暮潮聲唱梵聲隨相公碧血地下遊士殉知已敢悠悠
行哭軍中寧惜死樂布卒祀梁王頭自此義聲滿道路翻
然一去復何求雪竇山天童寺瓢笠蕭條隨所至百道泉
聲落枕邊千山暮色簷前紫今來重向鐵瓮尋虎頭大將
相知深秋風牧馬悲鳴切定中疑是落潮音身比落潮任
來去猶有程嬰一片心

歲暮積雪

昨夜北風復大作飛雪滿天覆蓬藿白門楊柳烏夜啼
紆千山頭凍殺雀老夫匡坐不得意急呼索郎相酬酢醉卧
何必錦纏毬能飲寧須金鑿落忽思健兒好身手笑擊黃
麈恣大嚼錦瑟紅袖立兩旁歌聲裊裊停珠幕人生得意
有如此不爾貧賤亦不惡綠簑青笠穩稱身笑踏千巖與
萬壑乘興直上藐姑山水雪仙人姿綽約

迎青軒看雪歌賦答李子

入山探梅梅半開煖蜂出戶聲徘徊日射林巒暄氣動疑
有風雨相隨來果然一夜彤雲作槭槭寒林氣蕭索曉起
一望光皎然萬頃瓊花天半落主人出門雙屐輕急向酒
家指銀餅貰得一斗顏色壯笑立簷前倚翠屏盤中之魚
長尺半佐以弋鳧文采亂榛栗蔬筴錯雜陳笑聲啞啞凌
飛翰是時四望眼倍明依稀已失數峰青直疑天上葬仙

子千門縞素迎雲駟嗚呼三吳徭役方騷然虎冠虬鬚橫
索錢深山雖深不能避君不見俞翁高士不得終安眠時無
殊以逋稅客向主人請止爵有酒不用數酬酢清風朗月
天所私人生那得常行樂主人對客增眷戀吾徒行樂非
荒宴更請明日風光晴筍輿蠟屐循山行

送張月鹿還四明

昔年拔劍叩荆扉爛爛盈筐朱櫻肥今朝種藥故山去十
斛葡萄玉盤貯倏忽流光已數年互驚華髮不如前他日
重過玉山側我已餐霞換金骨賀監祠前一訪君手把青
芝騎碧雲

張敬修八十用杜詩作起句壽之

敬修善琴

張公一生江海客恥向侯門挾朱瑟有時抱向空林彈冷
冷秋風寒蟲出要離塚上簷築高專諸巷裏驂騮疾十丈
紅塵蔽日深有人宛在空山側塵尾漉囊左右陳荷衣蕙
帶神何逸今年八十張壽筵蘭芽玉茁相躡躡不須伐鼓
聲闐闐百壺之酒如流泉清河夙昔多神仙圮邊孺子爾
之先枕中鴻寶近應傳請攜昔日赤松子來訪山中葛稚
川

夏日山中懷袁本初河朔避暑處爲作長歌

憶昔東京未亂日四海雍容號寧謐袁家四世盡公卿本

國朝山人集 卷三
初兄弟何雄逸六月日出掛扶桑欲出未出氣蒼蒼晝卧
桃笙尚流汗平頭搖扇何傍徨袁家子弟恣歡讌考鐘伐
鼓徵群彥臨水網出雙鯉魚佐以紫駝促豐膳洞房小伎
更如花初日芙蓉映曉霞裏寒沈王母李盤中光動邵
平瓜滿堂大叫時裸裎那知白日頭上傾後來同氣如質
首此日尊前生死輕看余獨坐窮山下擇樹移牀消長夏
投轄雖少孟公留縱酒或免灌夫罵人生適意行卽休眼
中何物是曹劉但使槐火莫焚月不妨五月正披裘

題錢舜舉楊妃上馬圖

開元天子本神聖手戮鯨鯢九鼎定垂裳日久轉荒淫六
宮如海誰歡幸玉真原在壽王傍一旦喚來天子堂晉陽
醉後更衣侍唐家家法何披猖王孫畫手真莫敵數日經
營慘顏色想得海棠睡起時欲上不上嬌無力宮娥對對
爭趨風四蹄不動桃花紅意象蕭閒少倥偬承詔應過驪
山東咄咄他年真怪事簾築唇吹聲沸地依然跨馬出深
宮行行不覺馬嵬至

貧交行

君把犁我荷鋤前耕後饁如沮溺穰穰之祝祈滿車君垂
綸吾守釣門經親故置一頭金蓋玉繪舒清嘯君求御吾
執鞭金根玉輅誠何有不若定交牛車前君行商我爲佑

販繒行行適幽燕魚鹽之利走齊魯君采薇我采蕨長鏡
白柄斲山骨歸來斜照前溪月君帶經我扣角敢云安坐
擁百城牛背隴首亦不惡君滌器我當爐經過不數稽阮
輩得酒歌呼同歡娛君爲奴我爲虜相遇平陽公主家我
爲楚歌若楚舞人生結交自有真何必吐丞相之車茵望
衡對宇聊足樂何必開平津之東閣君不見張耳陳留貧
賤時意氣相看如父子一旦稱王楚漢間悲哉屠磔如犬
豕

前渡江歌

淒風颯颯天際來騰波蹙浪同鳴雷江上健兒好身手排
檣列岸如蒿萊我乘雙舸凌空至烟霧冥冥晝不開風聲
吹轉鼉鼉窟波光照耀金銀臺此中那可投鞭斷觀此茫
茫真可哀可哀不能哀獨立暫徘徊三國六朝興廢事千
古於我何有哉昨夜江邊立漁父拾得斷箭沽酒回依
稀猶識龍驤字鬼火燐燐照碧苔

後渡江歌

我昨扁舟渡揚子風濶水湧波濤起三山倒感欲蕩搖馮
夷歌舞魚龍喜今來渡江何晴好綠楊裊裊垂莎草江上
離立青芙蓉海外依稀白玉島牛馬散牧隨飲齧翩翩背
立帆檣鳥憶我十歲曾渡此雙髻如丸衫袴紫白白鱗魚

時入饌爛爛櫻桃多且旨倏忽流光四十年蕭蕭素髮已
盈顛欲向江流測深淺已疑幾度變桑田丈夫安能鬱鬱
恒羈愁便欲脫身作遠遊聞道小孤如削玉匡廬窈窕更
清幽片帆西拂漢陽樹橫吹玉笛岳陽樓乘興更上瞿塘
峽峩眉天半雲霞浮不然東向浮神彩安期大棗遙相待
方丈仙人招我來琪草千年色不改十洲三島百不憂胡
能鬱鬱恒羈愁

題趙千里春社醉歸圖

桃花撲面飛紅雨綠草如油滿郊土燕子新來舞翼忙杏
煙初褪柳垂圓此時王孫縱意游此時游女遍林丘香車
寶馬紛無數金丸散落綠鞦韆社鼓鼕鼕雜風響豚蹄操
祝先農饗祝罷聊將肴核陳南阡北陌爭相向或從花底
笑藏鈎或倚松根醉學謳或吐不顧花茵污或倒還起強
欲留兒童拍手皆絕倒子婦褰簾笑未休嗟乎輓近以來
風俗變鄭俠流民往往見誰能畫此昇平樂王孫拂素開
生面東南徭役急追捕欲訪桃源今代無便欲將身入畫
圖分肉願比陳平宰乞食亦似淵明徒

閩中三子品茶圖

桑苧翁今已死誰能颯颯拂素紙踞石持盃竟誰似準彌
道人兩黃子昔年曾見鬪茶圖畫者何人龍眠徒髣髴泉

聲沸紙上綠花紫英浮滿壺千年樂事今能繼武夷茗苑
絕代無對之水厄寧足惜誰云不中作酪奴九龍仙掌插
百峰蕉花正美榕葉濃桄榔盤堆荔枝紅千里能來白髮
翁把袖拍肩放短筇此中應更著吳儂

慧日寺觀徐相國袞衣陸尚書紅衲歌

華亭相國真元老聰明正直古來少手戮鯨鯢若不知神
機直比狄相好拾遺補過十八年嶽嶽風姿群倫表同時
邑中陸尚書立朝日少好家居萬石醇謹何足道劉寬盛
德猶不如扶杖直入春秋社擁毳好與高僧俱兩公翁弛
雖不同猶若泰華東西崇千年俎豆應無愧後生再拜瞻

高風今秋偶過慧日寺寺門窈窕紫葳荔山僧留客捧匣
來四座離立驚相視相國袞衣出金鑿雲繞神龍左右蟠
尚書衲衣色殷紫手題詩句美風旨嗚呼兩公上天身騎
箕文狸赤豹載雲旗片羽寸爪偶墮此疑有神物相追隨
山僧寶此慎毋忽常與此山爭突兀我思古來何物足與
敵潮州之衣鄭公笏嗚呼常與此山爭突兀

戲題弄孫圖

竹皮之冠劉氏冠功業曾不比蕭韓白羽之扇諸葛扇三
顧六出何由踐但當六月披長風嗟峨百尺青梧桐芒屨
白恰擇美蔭笑看着膝雙嬌童雙童眉目殊清揚少小應

能蠟鳳凰不妨更作虎子跳男兒亂世須昂藏我對此圖
長嘆息老淚如絲收不得雖非五世相韓人祝爾他年述
祖德

細林山送友人入道歌

昔年遇子採香徑嚴遵卜肆人爭應吾夢惡客奮老拳一
笑風帆自乘興今年遇子細林山憔悴西風凋客顏蘇氏
錦機零落盡左家嬌女謝人間執子之手聊長嘯明月松
風共窈窕因醉平原十日歸笠山笠水獨垂釣忽傳尺素
到巖扉齋心已聽青華詔細林山上宮殿開翠羽玉節光
徘徊曹唐已唱步虛曲子更黃縉鶴筆來曩時諸子讀書
處臺名點易松杉聚翡簾綈几映巉巖宛若蓬壺羅珠樹
但玩床頭老易書青鸞白鹿應相遇

神龕館贈曹耕雲道士

吾聞晉代葛稚川鍊丹換骨學神仙又聞梁室陶通明愛
聽松風更吹笙丈夫往往不得意仙梵之中恣遊戲曹耕
雲洵不群手握雲璈響金石曾蟠珠斗千星雯柳洲及子
爲我說曹生神變真奇絕考鬼能令四壁開鞭龍直使山
石裂此事吾郡推施君曹生後出與之爭他日功成列仙
籍定有茅龍來下迎

敬亭謠壽姜如農給諫

宛溪之水何其清高詠獨推謝宣城後來流寓惟李白跋
涉山川恣游展姜公本住東海津玉璜後裔美無倫弱冠
出入明光裏銅馬門前垂長紳壯年倏遇軍國變脫身十
口來吳甸八月常觀廣陵濤三春時對吳宮燕生平未踏
敬亭塵何爲自號敬亭人請公爲我道其故欲語不語含
酸辛今年四月正雨潦衝波激浪發幽棹袖中攜得朗陵
雲織簾先生同游眺公方週甲開壽筵徐卿二子稱最賢
我作歌辭介以獻海內如公真大年大年何以比靈椿祝
公還是敬亭人瞿硎石室曾遇否琴高乘鯉定相親

葉九來攜伎過從吾館奏樂歌

卧龍山下移家住繞屋梅花千萬樹庭前學種兩三松紅
杏天桃紛無數風吹松響絕壑流梅杏桃根相綢繆山水
清音洵幽絕何須絲竹間清謳今朝偶向故鄉來六尺蓬
門閉不開高車駟馬依然在誰識當今磊落才葉生喜我
歸攜得梨園部命我高閣開爲奏新樂府我怪葉生運意
奇顛倒陰陽乃爾爲狂態直比漁陽鼓罵座如聞膝席辭
我愛梨園風格好腰支一一將人惱就中小者纔數齡滿
樹黃鸝吐音早因向葉生三太息憶昔相見城南陌生髮
垂垂我壯年一言快意深相得生今強仕我衰老倏忽流
光真可惜梨園前隊誰最名子弟三班舊教成婁上典型

臥龍山人集 卷四
聞樂老吳門少俊說王生此日西風悲黃葉盛年那得常
相傾感此便欲常相見莫學參差西飛燕大雲堂側牡丹
開奏生新著重開讌惡安雙槩過金昌無數梅花覆曲廊
自笑扶風無伎樂不遣彭宣到後堂

臥龍山人集卷三終

臥龍山人集卷四

崑山葛 芝龍仙著

五言律詩

春日訪受先先生歸舟偶成

爲訪幽憂客乘風過別灘晚烟猶帶濕短棹欲生寒樹古
藤蘿合人稀鳥雀歡遙知分手後更自倚樓看

秋夜對月

天晚涼方合空庭螢正遊光來全似水聲到盡成秋久似
陶潛放還同宋玉愁茶鐙清露下永夜不知收

乙酉除夕有感

誰能思漢臘猶見紙錢飛比屋多新鬼殘黎掩舊扉清狂
骨肉怪飄泊故人稀擬向無生學常令心地依

次咸子來韻贈之

世亂誰知惜相逢得暫安一尊聊對酌客路卽爲歡蒼溟
連朝雨荒郊四月寒仲華年正少不必嘆時難

同友人郊原散步

偶然乘興去散步踏荒村水長春畦斷風清夏木繁雀聲
喧古墓山影落前原澤畔行吟者悠悠無一言

夏日同友人訪空林禪師水居潘弱水繪圖記之因

題一首

落日芰荷香蕭蕭荻葦蒼蒲團花下靜茅屋水中涼覲面
誰相悉忘言意自長看茲圖畫裏千載白雲鄉

同友人看荷

亭亭河畔植此意與誰同直節含朝露清香雜晚風照人
時帶綠映水欲沈紅莫問深秋事緣知色相空

集嶠初齋

笑語情如見非緣杯酒歡開懷忘燭短促膝避春寒雪勁
隨風入星稀帶月看歸來人迹斷夜禁近聞寬
公等傷心客憂來自尠歡惡觴續氣短高燭照神寒睨柱
無聊立凭闌縱意看本非獨醒者寧惜酒杯寬

喜友人罷試歸

獨坐驚誰過欣君初服歸漫言捧檄喜須信折腰非嚴瀨
言猶在鹿門事可依長鑱今日好共採故山薇

答岳心寄懷

已倦趨人事終朝靜掩關影隨疎月澹夢對落花閑農唱
時踰陌鐘聲遠度山此時徒侶少暮鳥獨知還

訪僧次壁間韻

徒步尋幽侶無煩駕一航爨烟含野白病葉墜溪黃人靜
深林裏禽喧古道傍前村應更好清楚出雲堂

雨後偶成

疎雨微風後幽齋事事宜移花侵蟻穴窺果罨蛛絲摹就
三秋帖吟成七夕詩晚鳥尤好事啼斷綠楊枝

剖瓜

東陵一摘後辭蔓入秋亭銀盃初浮絳霜刀正破青潤消
司馬渴涼益次公醒剪刻何須問清風散碧櫺

答友

獨居方喪我令節却思君風雨城南道披離嶺上雲山鐘
兩地隔渚雁萬家聞雙屐能攜否幽香桂子紛

維摩寺銀杏

奇樹千年古高柯百尺長精靈疑雜沓鸛鶴共翱翔枝洗

隋朝雨根經梁代霜無窮典廢事留爾獨蒼蒼

破龍澗

破壁飛何處千年視此銘猶餘鱗甲影似帶土花醒澗曲
同天矯林深合窈冥時疑說法夜變化一來聽

送律木禪師歸雪竇

冰雪交加路輕帆送爾歸吳山行盡失越樹遠相依洗鉢
隨猿飲衝雲附鶴飛他年迎笑處嵐氣濕人衣

同金孝章呼德下勝公貞公宿顧莘衡村居

興來寧暇緩攜手出山城滅燭幽情稱烹葵野夢清禽聲
烟際亂魚影定中明應似潯陽隱來聽鐘梵聲

古南老人以西城晚步詩見示次答

閉戶理春愁閑行逐亂鷗烟迷欲落石花動最高樓孤棹
渚邊靜殘鐘雲外收可憐真澤國一望失平疇

重過莘衡村居

曾卧春深月重來尊酒同新晴宜短棹首夏共和風人向
殘陽裏鳩啼灌木中遂初久已賦寧必學孫公

除夕薄暮望爨烟有感

一望疑朝霧瀰瀰斷去津食魚應有客滅火定何人寶瑟
催行炙霜刀試剗牲寧知萊蕪金久矣暗生塵

送友人歸四明

風雪吳門舫茲歸春已深解裝猶有劔佐刺已無金得雨
池中志空群冀北心茫茫烟水動遙睇一微陰

十載投荒徼連牀風雨晨敢言天正夢自是國無人渡水
楓初落還家柳正新汝曹應未老裘馬會如神

哭朱昭芭

有序

僕弱冠論交耿介寡合一笑相視數人而已非無
冠蓋縈手牽裳長揖外情致蕭索經年不見了不
關人意若朱子則誼等絲漆氣合苔岑者也况喪
亂來交徒淪歿未登鬼錄不及二三僕方期與朱
子籍芳草觀文魚蹈磐石友班鹿逍遙散誕終此

天年何圖一旦化爲異物嗚呼巨卿夢中之語曹
公腹痛之詞千載以還傷心莫二奔唁之後食必
三嘆心不期哀而哀至僕與朱子其若之何聊成
短章以舒拂鬱世之君子略其不文比之驢鳴笛
唱已爾

嘆息斯人沒真成百贖難傳經絳帳冷載酒草亭寒無復
鬚眉古空悲蘭蕙殘素車吾敢負遙望淚汎瀾

海內知名久鴻文走八荒一朝思蹈海十載類投湘世事
矜裙屐人情厭老蒼無窮感慨事并已付滄桑

席門不自惜問字日逡巡未受一肝惠寧辭三韭貧瓦燈

猶在壁木榻遂無人惆悵庭前路高軒漸少塵
親老誰爲養父喪留殯宮贈錢思郭相托母憶曹公鼠竄
床前迹烏啼樹下風茫茫泉路客能不怨蒼穹
少年都不賤強半至公卿閤啓窮年飲車虛枉道迎候門
無一力抗坐獨諸生今日奔喪客猶能動滿城
不解交情合俄然與爾深枉書呼令子惜別戀重衾雞黍
殘陽下歌呼積雪陰何當成永訣思到卽沾襟

虎丘曉發

倚樓山影失放棹柳絲輕草似含烟潤花當隔水明人聲
朝市集梵響曉雲清去去何窮已前途慰友生

同客晚眺

晴日宜登眺况當叢桂香山行無定約客至卽相將帆影
沈秋水蟬聲滿夕陽餘情從此結蒲柳盡蒼蒼

送吳羽三歸荻江

送子秋風裏芙蓉花正開短帆隨水去孤鳥傍舟來暫近
楓林岸行侵松徑苔別離誰不惜落日復登臺

亂後鳧鷖散分鑣憶十秋蘇臺重置酒婁水共登舟意氣
寧存舊風花只益愁覺君懷抱遠明月試淹留

家聲誰子及諸謝盡才名花落春缸好星隨秋月明時來
長者轍常雜野人耕若問桃源地君聽谷口鶯

別後相思處蕭蕭蘆荻聲鱸親供母酌酒試酬兄絳幄
臨風美白鷗近水輕知交今日少莫惜駕雙駟

同媚初蓮生晚眺

正值黃花候相攜坐石邊數峰明落日一雁落遙天氣冷
催衰柳雲虛雜野烟無窮蕭瑟意獨立對寒川

春居漫述

悠然與世絕靜寄此東軒遠寺殘鐘度空庭暮雀喧梅開
寒勒淺苔積雨餘繁寂寂真應笑從呼老灌園
獨坐聊舒嘯懷人正自傷身方啼建業帆又逐瀟湘說劍
風爲動停杯漏乍長無窮咄咄意不語對幽篁

胡然泥水蔽連夕雨聲寒蠟屐衝風少蠻牋報客難竹烟
流枕上花影拂簷端何似征途久蕭蕭冰雪灘

姚文初生還却寄

徽纒俄然繫艱危行路驚祗因存苦節豈爲傲微名鴻矯
方離弋蔡傾得衛生從今高臥日隴首共躬畊

秋夜有作

一葉初辭幹俄驚碧簟涼堂空寒易覺酒醒夢難長露滴
芙蓉雨月明蟋蟀霜悲秋聞有賦此日定迴腸

贈張令則

張子東南秀胡然病索居窮來妻子笑傲在故人疎望氣

國音山人集 卷四
猶埋獄脫身誰授書艱難我憐汝流涕服鹽車

諸聲雜詠和歸元恭

蜀郡初揮酒龍宮正拂駿參差皆映樹疎密盡隨風聲亂
群蕉上烟歸暮色中誰能蕭瑟夜一聽對牀同

雨聲

初似車音過隆隆度隴遲一聲奮迅後百里震驚時落箸
英雄算扳枝孝子思披帷人正默危坐答天知

雷聲

誰將鼓節奏離立互成賓落地看猶躍入壺驚若神竹間
時聽響花下每先陳他日軍中樂還能似祭遵

投壺聲

好雨林端過攜筇傍澗來咽時知遇石奔處遂如雷映月
恒驚枕臨風常度梅何當繞雷出日夕響蒼苔

泉聲

百尺凌霞上崇岡聊托根夜巢宜白鶴曉掛憶青猿謾謾

崩濤急蕭蕭陰雨翻當年陶處士愛此卧丘園

松聲

何須推橘隱此日與相乘落子依花塢移奩就雨燈閒心
眠後聽妙理靜中增却笑林和靖終身愧不能

碁聲

深院雨聲寒晨昏鐘鼓繁持名佛號切投體覺邦安已似
遊堯率還疑遇懶殘從來車馬客到此定長嘆

梵聲

青溪曾倚弄絕調至今難誰向花間奏相看月欲殘壯疑
千騎合清覺四山寒吾亦羈棲客聽來淚未乾

笛聲

近市綠陰滿閒窓鳥亂飛水清頻浴子巢近只呼妃輕滑
疑鶯囀呢喃識燕歸翻思江海上鷗鷺遍漁磯

鳥聲

應近寒山寺聲隨夜半風徐徐落賈舶冉冉出花宮僚慄
繁聲重凄清曉月空誰能當此夕雲擾夢無窮

鐘聲

秋蟲依候響入夜更清幽月下聲如訴霜前意已愁美人
初倚閣孤客乍停舟觸緒應無賴蒼然露未收

蟲聲

訊葉九來新居

新築城南近應名捫蝨庵燕來春結壘客至日停驂萬卷

簾前架百花雨後潭閒庭何所種第一是宜男

九來時未舉子

贈沈文長

長者休文裔幽懷聞昔年希風偶爾後枉駕忽驚先園採
千頭橘厨分縮項鱸夕陽攜手去還向竹樓眠

寒夜獨坐

四壁鏗垂焰芸編手自開妙香時斷續孤影共徘徊霜重
蛩鳴歇風清葉落哀蕭然無一事獨坐理尊罍

凄然群動息孤磬遠山清獨抱遺經坐遙看殘月明饑
行有迹棲鳥定無聲却憶騎驢客風塵走舊京

和友人冬日詩

驚心昨暮雨蕭瑟對寒林目送孤雲遠風隨落葉侵時揮
半壁塵斜倚一牀琴寂寂真應笑凄其慚傲衾

秋日雜感

經旬無客過有酒亦盈觴籬菊初含雨園菘新帶霜清風

入平樹落日下高岡遠愧嵇中散明朝擬弔喪

曾有松陵約扁舟非採蓴可憐泉下客幾度夢中人尚闕

生芻薦徒驚落葉頻明朝裁短札先爲道沾巾

時欲弔扶九

客來謀自婦今病似無家方向倉公乞藥從韓子賒竹間

聞日響帷裏避燈斜嘗恐成淹久三秋負菊花

閨道輸供急鞭笞應遠征蒼鷹秋益厲村犬夜還驚哀痛

思前代漂零媿此生會須移短棹洞口學深畊

蕭瑟頻年事秋深不覺悲山楓看落處江雁自飛時未放

杯中綠何愁領上絲夜來風雨至應動授衣思

款戶誰能數西郊得遠公

勝公時寓雲在

倚梧吟落日選石入高

峰孤鷺芙蓉雨雙鳩楊柳風此時還獨坐惆悵未能同

采藥來年志桃源路自深未能旋命駕聊爾寄鳴琴微外

樓臺氣隴間鴻鵠心遙聞已解甲此日暗沈吟

種秫新成釀客還贈菊花夜深枝照月曉起葉浮霞蟋蟀

鳴幽徑梧桐落淺沙正須尋酒伴強半賦無家

毛子晉重建空心亭分得鐘字

昔年隨慧遠曾此暫攜筇古道斜臨石深潭倒映松風微

數點葉月落一聲鐘重過新亭好猶疑雲逕封

和陳皇士掩關詩

我亦蓬蒿滿經時謝客過簷前栖鳥靜檻外落花多暮雨

催行藥香風識采荷元龍高臥處矯首問如何

送僧

荒穢方鋤遍藥畦手種多雲從樹杪出泉向竹間過歸鳥
驚禪定疎鐘雜梵歌攢眉吾未敢一逕入烟蘿

蟠梅次俞無殊韻

空山千萬樹獨爾托知深幸得美人顧敢懷遲暮心微茫
月在樹搖曳鶴歸林擬縛茅茨住香風送梵音

雨中看泉遂過遜時上人禪房

偶然扶杖出激歷聽泉鳴遂踏平莎去兼看積靄生松杉
寒古寺風雨暗前楹歸入梅花徑猶聞清磬聲

題弱水回贈毛子晉

偃坐群山裏樵歸身道中望雲依絕壑臨水渡殘虹澗落
千年石松搖五粒風瑤壇從此結冲舉就毛公

夏日村居雜詩

不堪城市雜孤艇入幽村魚網懸朝日風帆過野原溪橋
隨路曲沙鳥向雲翻無限蒼茫意微吟誰與論

已喜征塵隔况兼暑氣清蛟龍隨雨近草木順風橫獨酌
閑情遠長謠感慨生田園應未晚從此學深畊

蓬蒿方徑滿泥水復途窮賴有琴樽在相看筍蕨空蕭蕭
聽落水歷歷度長風簞笠誰過此惟應植杖翁

已過櫻笋候猶及聽鶯聲柔滑初流響分飛乍倚輕池塘
晴後好楊柳雨餘清莫更懷城市相依棲遯情
素懷十畝志惆悵獨空言遂借一弓住聊當三徑存晨風
舒碧簟夜月倒芳樽還憶於陵子窮年常灌園
雨後煩蒸歇涼颺度隴來病餘聊試枕吟罷復啣杯孤塔
凌雲秀叢花倚戶開却思朝市客擾擾信堪哀
窺戶聞無人支公寄此身空池多荇藻久雨蔽荆榛迂拙
寧堪托疎慵轉見親從今蓮社約不必往來頻
入門誰揖客久出獨空床賓主應無辨江湖已自忘對人
稱塞馬處世學庚桑猶有飛揚意臨風問大荒

無心擬卜居投杖卽吾廬選徑思移石呼童學荷鋤雲催
千嶂雨風亂一牀書淨業年來好臨流罷釣魚
違山無十里已有客居心百事依童僕繁星照枕衾遠香
時縱酒暮雨或彈琴與世轉蕭寂閒吟眺碧岑
屋後千竿竹堂前半畝荷蕭森疑雨過空澗受風多曲沼
文魚躍垂楊黃鳥歌閉門葉處士堅坐獨如何
應有桑林禱仍書大有年輕陰碧樹霽時雨綠疇烟農唱
林間起桔槔隴首懸輓輪今日盡百物荷皇天
十載投空谷况當霜鬢侵風花資窈窕烟水益清深爭席
從羈旅窺人任野禽倘來城市裏應是爲修琴

瓠落真無用終身卧草萊敢言公子釣并閣步兵杯群鳥
殘更動一螢深夜來樓船傳警柝惆悵倍生哀

訪華天御於西園二首

榮木交陰地幽人聞晝眠遂移處士屐來訪孝廉船背樹
千年桂塘開一丈蓮玄言應秋水支許舊相傳

握手方今日傾心踰十年入門惟笑語欲別卽流連綠樹
幽蟬響紅霞芳草鮮悠然返蓬戶已是隔雲烟

元恭久客淮上懷之

春雨征帆去今看陌草薰無家輕作別孤憤易離群鶯滿
淮南樹風吹吳甸雲誰能同漂母一飯道殷勤

白泉先生招飲繭園次日有詩見示依韻奉荅

雨餘秋氣爽晴色散墻陰遂命丘中駕來聽壁上琴繁星
時入座零露欲沾襟飲罷棲鳥動回看竹樹森
縈手聊凝望蒼然流暮烟巖邊叢桂發樹杪一亭懸坐久
明河裏杯深落葉前悠悠同笑語微尚愧談玄

夏日園居雜興

疎拙宜違俗况當九夏時閉門窺鳥下斬竹受風吹石壁
琴聲靜蒼堦花影移悠然從所好抱甕是吾師

柔翰平生志年來廢草玄未能三伏飲聊向北窓眠坐雨
經時節聽蟬感歲年銀塘應正好荷葉綠田田

曾向莫釐下和風交碧烟橘花落暮雨湖水湛遙天絕壁
宜藏日幽谿好放船此時輸我友翹足竹牀眠

叩策松門響玄都道士來杖頭懸日月袖裏暗風雷養就
冲天鶴笑看積劫灰夕陽分手去莫惜紫霞杯

蓮歌何處起七十二潭花紅袖迎風立綠鬟倚鏡斜飛香
時帶雨颺影為沈蛙應取碧筒飲陳陶處士家

十二潭潭
皆種荷

憶言夏也
言夏家七

茉莉洪州種連檣吳會來香同湘蕙轉光比嶺梅開曉露
輕承扇新涼乍舉杯更從明月望玉女立瑤臺

散髮簷前立閑雲看獨還亂蟬鳴柳外雙蝶戲花間桐露
朝調藥松烟午護關誰云猶近市已是隔深山

繁暑何時歇忽驚涼滿城電驚雲族亂龍挾厲風行寂寂
鳴蟬閉蕭蕭落葉清欣然愛此夕秋氣入桃笙

猶有憂時意頻年下瀨師風馳終不定電擊苦難期七校
誰投袂孤兒獨舖糜

時獲沙上孤兒數百所
過州邑俱作粥舖之

東甌遺壘在

深夜駐旌旗

萬里關山北艱難憶故人浮名真塞馬投死逐風塵魑魅
生前友丘園夢後春却慚輕赴洛反覆淚沾巾

寄歸云却悔
平原輕赴洛

悲漢槎也
漢槎有詩

愁苦身難永頻年喪數賢幾曾悲鵬鳥已是咽秋蟬淚盡

西州路心傷蒿里篇可憐諸待詔今又葬黃泉

諸名承明

偶爾凭欄立中懷忽悄然已疑經噩夢又似逐離筵豈遂
忘哀樂聊思中聖賢仙人多好飲妙理昔曾傳

窮居似土室久矣謝高軒忽怪停橈訪爲聽驚座言子雲
慙問字北海號通門古道今人薄相期夙共敦

未能投絕谷却已類僧家曉起拂巾舄晚行摘豆瓜夢虛
巫峽雨神在赤城霞近更傳鴻寶無煩惜歲華

諸子方云逝潘生復棄捐雲霞猶在壁魂魄已歸泉塞北

水霜路

生曾游塞外

山南松柏烟不堪回首憶癡絕更誰傳

荷笠忘機事窮年理土膏露中採野筴月下落山桃僧至

時留偈詩成欲反騷虛傳戎馬急久謝學龍韜

哭姚瑞初

海內知名士相逢說二難三秋轉聞寂一老已凋殘舊業
簞瓢在懷人風雨寒昌亭咫尺路新作酒壚看

贈吳茂長

吳曾參史相國軍事

壯年曾作客入幕是蓮花一劍清霜勁雙鬕紫陌斜墻東
存舊德硯北號名家時灑羊曇淚西州路已賒

暮春入郡阻雨丙舍

西山尋爽氣却傍墓門田松色深三畝谿光冷一川興來
甘百罰沽去乏千錢柔櫓聲何急烟中理釣船

風雨與吳飲和對坐

盡日無人過蕭然風雨侵繁英三徑合綠樹一庭陰讀易
焚香靜觀心掩幙深莫嫌殊寂寂窗外有鳴禽

偶成

獨居轉自喜車馬謝逢迎石上承花影林間換鳥聲曲肱
冰簟穩點筆夜窓清猶愧尋山淺相傳處士名

壽陸敬身中翰八十

全盛西京日天街躍馬鞍二疏旋祖道四皓有衣冠秋野
扶鳩杖春風把釣竿鑑湖波正綠直下百重灘

七夕偶成

今夕斯何夕盈盈憶綺樓當歌頻擁髻却扇爲藏鈞一笑
真何有三秋迥足愁惟餘瓜果側靜對月華流

贈五臺山了念師師十三歲獨身走五臺剃染及出

山年七十矣

一入趙王山安心五十年殘春無藥草陽谷滿寒泉土鏗
經冬暖華燈永夜懸誰知塵世事擁褐只高眠

孤童行萬里長往孰如師積雪三時閉寒雲終古垂經行
木客避振錫虎狼慈偶到玉山側蕭然一鉢隨

贈張居士

我愛張居士蕭然一敝廬廚中無葷腊隴上滿葵蔬曉月

春鋤倦秋風夕採徐何須思法喜晨誦雜鐘魚
夜坐獨酌偶成

滿庭衰草積閒寂似禪宮池上芙蓉雨堤邊楊柳風引杯
忘日月列几雜葵菘真覺陶然好無煩賦惱公

冬夜有作

已近嚴寒節朔風吹掩扉辭柯危葉盡咽露候蟲稀公子
西園散先生東郭歸疎燈誰共此窗外一鴻飛

雨中懷昭法

崇朝風雨暗網戶只雲烟農事村村歇河流岸岸連天寒
孤感易歲暮百愁兼爲憶山中客幽懷定悄然

空山坐雨

積雪方盈路驚颺又入雲一燈清影共雙髻素絲分殘夢
風前斷疎鐘雨後聞何時掃宿霧攜杖對斜曛
連朝兼雨雪積日掩巖扉苔色看生礎松滋欲上衣已停
雙屐久未遣一筇依預想華山下泉聲百道飛

贈徐瞻明

聞道徐孺子青山枕白雲空庭老桂得寒澗細泉分行踏
麝麇迹靜同木石群步兵已善哭小阮更推君

病中喜媚初北歸

憐我扶床日當君蕩槩歸入門驚影瘦握手嘆心違袞袞

聞高論匆匆掩暮扉夜來關塞夢免逐斷鴻飛
亦知入洛後擾擾不曾停疲馬疎星照寒街曙鳥聽鄒陽
秋繫獄夏勝夜傳經更說左元放相期立窈冥

吾友非干祿聊存攬轡思如何霄漢日翻是屈蟠時辛苦
江南夢淒涼薊北詩中朝霍子孟安坐受釐詞

送汝北征日曾招谷口耕一尊春社燕雙屐野園鶯漁父
前爭席鄰童走汗羹不妨聊混迹切莫羨公卿

新春二日卽鼓棹遊虞山將遍窮巖壑風雨冰雪遂

阻微尚先後賦詩四首

入春方二日已作蕩舟行映棹多晴色到山惟雨聲斷烟

投海嶠危霧隔春城雙屐穿雲去吾其老此生

鹿豕平生志羈棲童僕愁亂松絕壑響一雨漫泉流霧苦

遙山失雲深孤磬幽任從薄俗笑身自傲王侯

真覺雲山好其如風雨過出門卽身道極目滿漁簑有約

終移棹無聊且放歌人生幾兩屐到此嘆何多

百里雖云遠蘭橈一水通那知思卧對反是在山中冰雪

交相阻烟雲恣不窮蒲帆六幅在持此謝西風

嶠初齋中看牡丹有作

昨歲看花地

去春同小范大鴻看花於此

重開玳瑁筵錦雲初映樹煖

玉欲生烟好客孔文舉能詩李謫仙

李廷尉映碧在座

酒闌增感

慨一往是流年

家叔見貽酒瓢詩以爲謝

荷鋪非吾事一瓢卽醉鄉
香生蘿月白影瀉澗泉涼
掛處隨松塵行時逐錦囊
三春芳草綠先辦客遊狂

贈雪竇石奇和上

偶動還鄉思飄然下雪山
朱霞荒楚起碧樹野田間
板築千人聚巾瓶萬指還
吾師方宴坐鳴鳥晝關關

車馬紛然至匡牀養道真
閑同鳥雀靜慈使虎狼馴
支遠山中去宗雷座下親
終年無法說滿路雨華春

無心與世競遐邇已瞻風
問道聞郎將傳衣得相公
天人

圍貝葉神物護花宮遙指滄江路鐘聲到別峰

終覺山中好悠然澗壑陰碧霞千嶂合紅日萬家沈乳滴
松花白烟迷瑤草深他年翹足坐來去本無心

贈嚴翁

女子猶能識入山因萬重斲苓時遇雨燒木自芟松踏葉
看晨鳥沿溪聞夜春酒酣思往事壁上動雙龍

村居雜詠

出門荆棘滿聊爾學熊經龍易從人豢鷄難似木形浮名
今日悔得失向來冥便欲褰裳去群峰江上青

豈有商羊在不聞其雨淫望雲同野燒入夜似秋深澤國

無鳴鶴農歌響密林江東輪輓盡誰與叫天心

情深思惠遠獨上越王臺故國雲霞外方塘荷芰開披星
時戴笠藉草共啣杯艇子聲何急疑同剡曲來

孔熯方愁詠忽驚衆竅搖大聲木已拔雜葉雨旋飄曠野
蛟龍戰長灘鵝鶴驕游魚應正樂濠上共逍遙

城北傳書至飄零絕可哀偶同張儉老誰似季心才直擬
辭家去猶聞倚棹回芙蓉天半削遲爾共徘徊

驅愁愁益侵懸解貴無心欹枕聽黃鳥移尊坐竹林晚風
波渺渺夜月樹沈沈只此翛然足煩憂非所任

獨坐忽長嘆懷人已夜臺潘郎縈蔓草季子掩青苔魂去
千秋重書成一代才南屏今夜月矯首暮雲哀

南州徐孺子昨自七閩過烽火今應息樓船近若何山家
榕樹滿驛路荔枝多何事征蠻將猶聞日荷戈

甲辰元旦偶成

閒居觀物化嘆息此流年日月催雙鬢山川浮斷烟鶯聲

明日滿柳色舊時妍何處垂絲好西泠繫釣船

西湖之約

去冬與研德有浮舟

元旦同岳心過慈公山房

未能隨俗住連袂到僧家竹色依墻暗山光入戶斜誰云
出郭近已似亂雲遮歸去波光渺疎林點暮鴉

人日風雨

終朝無客至宛似在深山好鳥聲俱靜寒花意自閒真同
泥水蔽遙對朔雲還童僕應相笑窮年只閉關
浮沈聊爾事寄興在名山拂石題詩好看雲倚杖閒未能
隨鳥去獨自送僧還猶喜無車馬柴門晝已關

春朝見雪用前韻

已見條風動依然雪滿山銀花照眼亂瓊樹拂雲閒塵遠
疑初地心清合大還焦先屋欲倒何事映柴關

春日與喟初野步嘆息有作

誰云城郭是一望總蕭條廿載餘兵氣三年困雜徭子方

嗟不遇我益嘆無聊却羨雲中雁長天羽翰驕

元夕謝客獨居

火樹千家亂銀鐙一夕分綠尊當處滿碧磬靜中聞月映
東隣檜風吹北嶺雲少年王謝子縈手正紛紛

李商公以元宵燈事闕寂賦詩示依韻和之

不堪離亂後更作繭絲看燕至朱門改鶴歸華表殘周行
憐影靜獨立受風酸苦憶星橋合一庭月色寒

秋孫喜予過山中賦詩見貽答之

此生當喪亂俯仰悉增愁遂識逍遙義相期汗漫游輕風
送鳥落寒月照花浮身世何容問乾坤亦豁舟

次韻山間步月

明月正當頭山行路轉幽寒烟生蔓草石獸臥荒丘箏管
繁聲斷松杉獨客游來年憶此夕絕頂試披裘

答玄恭

乍看木葉脫雙髻益刁騷望古情方切懷人心更勞清風
蔽廣渚明月下平臯苦憶西山爽敢矜巖壑高

初春嚳城趙子見訪不值短章寄懷并遲後約

春迴初扇綠枉棹訪沈淪謝客非關傲論交却已真涼風
吹桂冷落日照楓新此際能重過山厨薦碧尊

謁鄧司徒廟并詠庭中古檜

將軍誰祀此扶漢昔元功故國無遺社空山有廢宮每疑
蘋藻薄未改羽旄崇庭際參天柏還思大樹馮

古木誠天矯千年霜雪封已同丞相柏豈比大夫松白日
藏狐兔高柯散鼓鐘到來俱寂寂伏臘走村農

秋蟬

一葉隨風下兩方擁樹吟堦蛩啼並切夜鶴露同侵入暮
聲尤惡迎寒咽轉深并將搖落意螢火共浮沈

以靈上人枉詩見別次韻答之

猶憶悲秋日偶然踏葉行吾同食野鹿爾似出林鶯握手
得開士拍肩復李生此時懷抱好彌覺笑言盈

近值梅花候相攜絕壑行遠烟初著水新柳乍藏鶯共悉
玄言美忽驚離思生扁舟楊子路波上月華盈

次韻贈紫中師

今日龍沙侶君真狎主盟神同秋共遠骨與鶴俱清半嶺
時聞嘯深杯獨解醒淹留漫歸去萬壑正松聲

紫中師愛予山居賦詩記之次韻

偶然來此地一畝托山城抱藥池中洗揮鋤月下耕天邊
獨鶴迥草際亂蟲鳴幽客時相訪遙聽犬吠門

賦得山月照彈琴

誰將廣陵散攜向此中彈積雪隨沙滿清光抱石安似聞

獨鶴怨只益萬山寒坐久明河轉霜鐘答夜殘

題七寶泉

一徑盤紆入泓然水滿灣清涵百鳥迥寒瀉萬松閒坐見
浮苔碧行聽落葉斑林端僧送出日暮浩歌還

冬夜聞雁

正值淒涼候忽聞旅雁過風清雜画角霜冷拂瑠玕似怨
關山遠尤虞矰繳多飄零獨夜客能不嘆蹉跎

種蘭

騷人遙寄托愛此九畹香綴葉孤盆裏托根文石傍春風
自婀娜明月來低昂幸不種當門無煩鋤者傷

夜過毘陵不及晤道威却寄

君過婁縣日我正坐愁時我到毘陵夜君應增旅思柳花
飛白雪燕子啄青泥相望不相見殷勤寄此辭

過雲陽懷蔣子大鴻

隔歲書仍到梅花正亂開一僧攜屐去雙槩向城來旅舍
莽何在素書杳未裁春風吹蕙草落日獨徘徊

送準彌師歸閩準公二勝兄法嗣也

孤鳳南征後衆雛得爾曹十年越樹遠一笠海雲高人比
三秋水詩同八月濤爲啣法乳重風雨歷江臯

孤峰聊寄托正及仲冬時笠澤堅冰滿蟠山朔雪垂俄驚
花滿路復見燕披帷便欲扁舟去離情短簿祠

分手各遙天帆隨估客船桐江看理釣霞嶺聽啼鶉衣濕
櫻桃雨屐衝楊柳烟到時蘋藻薦爲誦大招篇

已過梅雨候又見荔枝新應對採芝客爲言抱甕人牛醫
叔度好蓮社遠公真何日踰閩嶠千山共結隣

答諸乾一見招次原韻

久負烟霞志敢云鸞鶴群經心藤塢月極目洞庭雲媿爾
九峰客遙傳十賚文秋山叢桂下相對露華芬

初夏

繁英搖落後萬樹碧烟齊隱映青油幕參差綠柳堤池塘

宜燕拂桑柘憶鷄栖谷口鶯偏喜藏身着處啼

雪堂聽朱爰臣彈琴

晨光猶汐露松下坐彈琴爲奏白鶴操正當紅樹林清音
山水合妙理古今深忽覺上方寂寥寥鐘磬沉

五十初度述懷八首

馬齒雖加長無聞似舊時驚心風雨日流涕鶴鴒詩身隱
漁樵混機忘鷗鷺知朝來攬明鏡自笑白於絲

老至交情見故人尺素稀獨看山果落遙對隴雲飛採藥
穿林去修琴出郭歸殘年無一事荒徑掩蓬扉

豈有元龍氣浮沉祇自憐蘭筋羞捷足雞肋任尊拳舊物
青氈在新居綠嶂邊吾生同澤雉飲啄總由天

瑤臺何處是此地足娛情肅穆諸天近蒼茫一氣清瑤簫
霜裏度珠樹月中明雙槩重安好明朝又遠征

甫里道場
記事

茗椀薰爐外蕭然無所依烏啼丹嶂樹犬臥綠蘿扉白足
乘流至黃冠荷鍤歸款門時笑語已見落斜暉

久耻雕蟲技依然柔翰耽世疑無敬禮誰更似桓譚夜月
藕花舫春風楊柳庵此時曾點筆微旨或應探

客勸刻近
集及之

漸窺鴻寶秘寧止學眉齊今是葛洪婦昔同冀缺妻秦樓
飛孔雀楚笛動天鷄何日翩然去行看萬象低

局促傷轅下終乘萬里舟隴雲野草綠越樹暮烟秋龍國

馮虛到珠宮縱意游塵中誰識者是處有蓬丘
邛公在越詩以招之

分手春風煖相思夏木高綠谿陰柳柘紅日落櫻桃屐破
雲門薜帆飛鑑曲濤山中清夢好應共學名逃

斗柄納涼

落日五湖邊中流穩放船魚蝦出細網酒觥照初筵雨挾
龍腥重月圍彩暈鮮行歌揮手去遙黛晚橫烟

早桂大放坐臥其下賦此

殘暑昨方退秋芳今已開穠香穿越嶠翠葉隱高臺梧落
枝間鳥衣露露後苔徘徊猶未已遙待月光來

採藥遇隱者

野飯欣初飽長鑱聊出門斲苓傷石骨採朮亂雲根忽與
幽人遇各爲避世言夕陽送鳥沒長嘯返山村

夏日月下集友人小飲分得江字

及此風流好相攜倒玉缸笑聲達戶衆人影落堦雙嘉樹
羅文沼華星帶綺窓真成花月夜何必羨春江

元日過無公山房留題

爲訪幽人出松杉數里連鐘清流絕谿湖遠覆朝烟坐久
禽聲靜凌空雲氣鮮間中懷抱好翹足衆峰前

同友人槎山看梅

曉起攜雙屐尋山與未窮花枝橫石角帆影落墻東身定
綠烟裡人行玉樹中前村應不遠碧浪漾虛空

五日同無殊飲黃有三齋次無殊韻
令節過君好雨餘映晚霞芳筵調玉鱠綺戶照榴花落日
催行酒香風識採茶歸來人傾倒扶醉到山家

臥龍山人集卷四

終

臥龍山人集卷五

崑山葛芝龍仙著

七言律詩

顧寧人見寄辭家二律次韻酬之

吾亦辭家欲浪遊蕭然獨駕五湖舟東臨滄海千峰碧夜
渡錢塘萬壑秋幾處幽人爲市卒何方同調弔靈修風吹
蘆荻鳥啼柳疑是青門有故侯

不學窮途阮子悲長游五岳是吾師神龍蟄戶三冬日野
鶴盤空千里時勾漏丹砂無計就匡廬蓮社有心期歸來
却笑陶彭澤酒後依然憶五兒

丙戌清明

閒居嘗欲托松筠此日郊原逐隱淪節是清明天夢夢時
連寒食火燐燐滿園風雨離魂淚數樹桃花故國春遍地
干戈猶未息何年倚棹獨垂綸

偶成

離離禾黍問蒼天此日蕭條洵可憐已見吳郊惟牧馬未
聞蒲海欲題年嶺南浦溆新軍壘江左鶯花絕塞烟願托
長風衝浪去昆明池上遍樓船

村居招友人小飲次杜工部韻

寂寞江干愧葛巾盈尊此日未全貧苦邀嘉客童知喜常

款衙門犬亦馴野寺鐘聲清旅舶夕陽牛背送歸人一回
惆悵沿溪去羞說長安三月新

漉酒時時欲掛巾繇來南阮自甘貧雖呼牛馬心無別猶
有蛟龍性未馴荒徑忽開綠好友清觴遞進稱閑人草亭
莫比楊雄宅懶絕難教著美新

秋日過陸丈村居

渡溪踰陌獨尋君萬木蕭疎鴉一群往事不堪增鬱結新
愁又見益紛紜秋風落葉歸黃犢皓月當空散碧雲匹馬
短衣逢醉尉可憐誰識故將軍

贈雲居願雲禪師

直入深山已數年故交零落不如前傷心薤露歌何苦迴
首蒼梧淚欲懸萬事總消幽磬裡一燈常照妙香邊尚平
婚嫁行看畢隨爾匡廬聽瀑泉

友人過訪

沉沉山磬暮寒傳有客相過坐屢遷人在定中同水月雁
來雲際正霜天無心聊踏溪邊葉回首猶看嶺上烟爲送
幽人門外去遙聽小大吠前川

秋懷

落葉隨風入戶斜
竭來無計惜繁華
已飛七夕橋邊鵲又
渡中秋海上槎
衰柳飄搖催塞笛
征鴻淒切起邊笳
縱然物候多愁思
看到霜林樹樹花

送咸大咸歸山陽

古寺疎鐘霜乍飛
片帆遙渡傍漁磯
黃雲黯澹籠寒月
白雁參差送落輝
下榻共邀孺子過
倚門更喜老萊歸
明年載酒來吳市
滿路桃花紅雨肥

秋夕

秋草荒庭路透迤
闌干小立蔭潛移
將歸紫燕頻辭壘
乍拂金風亂繞枝
日落鐘聲依遠浦
夜深蟲語響空帷
閉門莫怪常蕭散
行近繁霜人未知

雨後過東園

春水縈迴綠滿谿危欄古寺望中迷銀塘乍見魚方騰碧
樹時聞鶯亂啼堦草青葱緣徑曲鄰花撲落任墻低年年
此際增惆悵又見空梁壘燕泥

清明入婁拜受先先生墓不及訪子敏昭豈悵然有
寄

傷心此日類羊曇一棹乘空造郭南可怪城中與野外未
尋陸九及朱三柳風拂水魚波駭麥浪含烟燕影愁總有
酒盃消寂寞難忘四座接雄譚

雨中坐虎丘

遙指寒江吾欲東朝來却阻石尤風聲喧鳥雀笙簫靜氣
暝松杉澗壑空畫舫隨波搖曳裏朱樓帶雨寂寥中一罇
喜赴湯休約坐對巖前雙碧桐

次岳心見訪之作

葡萄作架傍檐稠果熟垂垂半未收永日穿花聽鳥語有
時倚竹看魚浮風來萬頃綠烟動雨過一庭紅蓼幽客去
前村聊獨立疎星又帶暮螢流

春日病中遣懷

何事窮年卧草萊支離久矣笑非才惟思汲井醫龜手絕
意登門騁暴鯁上國銅駝秋雨恨帝陵石馬野烟哀無端
遙觸興亡感幾度蒼茫立紫苔

已矣無煩作賦哀江南春色且徘徊桃花亂逐漁人棹蘭
葉低垂公子盃避地朝端推大隱釋耕隴上豈庸才慙予
閒斲參苓種紙帳因風獨自開

贈王奉常烟客

鑑湖久已賦歸與選得青門更荷鋤欲釣錦魚疏碧沼時
開松徑望柴車室存鄭國三朝笏家擁鄴侯萬卷書無事
移舟疎柳下便揮金椀醉樵漁

送友人歸楚

長江千里送歸舟作客顏低指敝裘十載寓吳袍笏盡一
身向楚蕙蘭秋可憐湘浦孤臣怨遠望蒼梧帝子愁聞道
猶存三戶在攜誰同嘯庾公樓

金陵雜感

曾跨驢背入陪京滿路秋風馳道平沽酒樓前時緩策窺
人簾裏正調笙清談無復烏衣客古渡猶存桃葉名聞道
而今蕭索甚千群鐵騎獨橫行
傷心莫問漢宮春苑內惟封蹠躐塵淚落爲聽清夜角風
高正拂御園蘋飄零翡翠填胥井斷續珠襦委水濱何處
嬌娥臨漱浣路旁猶指舊才人

難將鬱鬱嘆佳城跛牧尋羊陵上行原廟衣冠飛暮雨銀
池鳧雁斷春畊夜深鬼語松楸暗日出人過狐兔迎槐葉

漸黃爭獻策驅車到此亦魂驚

甲第連雲椒粉新侯家烟氣散如春門多彈鋏歌魚客座
列鳴箏挾瑟人一去離梁留廢壘獨存綺閣結飛塵蒼涼
猶有宮奴在揮涕時時擁袂陳

夾道垂楊貫御河中流蕩槩曳輕波樽傾北海交游盛會
挾南皮烏履多妙妓如雲飄霍納妖童初日按笙歌無端
鵝鴛滄江渡一夜秋風滿橐駝

鳳凰飛嶺接鷄鳴拔地朱薨遶御城歷代冕旒真秀發功
臣毛髮信精英微聞剝落銷殘粉已闕罍罍拱野麈疑向
空中嘶鐵馬深秋風雨夜馳聲

中原雲擾渡江東開邸瑯琊事復空青蓋忽聞京雒去阿
童正向石頭逢纖腰采女嬌金鐙動地悲筵出御宮三百
年來王氣盡迎歸不敢問英雄

漫憶興亡發怨嗟六朝陵寢久平沙新亭有草惟眠鹿官
井多風獨落花曲號無愁人不見吟傳捉鼻事誰誇登高
一望迷雲樹極目蒼烟飛暮鴉

送帽初北上

此日驅馳入帝京關山晴黯暮雲平淮陰臺下沽魚美易
水風前騁衛輕幾處頽垣留戰伐一行鳴雁落邊城閑居
不識長安路時爲夫君夢裏行

元旦拜先大夫像偶成

像列高曾舉首看攝衣再拜忽長嘆遺民誰採西山蕨吾
祖猶存漢代冠涉世漸同牛馬賤藏身常覺酒杯寬不堪
競逐兒童走獨向精藍聊自安

宿鏤隱菴懷勝師

分手猶思在練祁至今一笠白雲飛望中荔樹親曾摘定
裏後聲誰共依客路江楓行漸少故鄉兵革日應非
時有江上警却憐此夜潭邊月獨自支頤立板扉

贈吳子吳子好道術故有落句

偶從松徑忽逢君惡草村醪共夕醺已識此賢無痼疾更
看逸氣欲凌雲吳剛信是神仙質葛令寧非麋鹿群擬向
青鸞分大藥靈瑛靜夜室中聞

與客追舊有感

秋風吹落桂華繁釣得鱸魚共客餐已托閒情招遠鶴猶
餘哀思動啼猿雪依蘇武凋旌節笛響劉琨出塞垣不盡
愁心頻剪燭夜深雁度宿寒原

送友人游燕

當年射策到長安此際真同夢裏看舞馬豈堪懷往日啼
鳥猶自下哀湍蕭蕭暮雨長陵柏隱隱靈旗郊祭壇興廢
未能忘灑涕夜深月上倚闌干

嶓初席上贈陸九

陸九風神衆莫如年來愁疾卧東籬匣中短劍光沈彩腹
上修髯白似絲種秫漸虛彭澤酒釣魚行近富春湄城南
五畝鋤瓜地莫使秋深滿蒺藜

九日遇雨次友人韻

寒雲黯黯暮烟平戲馬臺高寄遠情把菊已難臨野岸佩
萸寧復上山城襄陽耆舊誰諸葛廣武英雄憶步兵無限
幽憂祇引枕不緣秋盡始心驚

答陳半雪

錦鯉傳書何處來荆南山色望中裁機雲作賦人爭羨韓
李通門爾獨才日落橫塘曾接坐霜清婁水近登臺却思
半載琅璫地建業寒鐘倍可哀

山塘偶步

閒看風景益清嘉落盡春深萬樹花一望柳陰迷數里半
垂榆影蔭千家林開石響僧攜杖簾靜香傳妓鬪茶便擬
鹿車來此住朝聽鶯囀暮啼鴉

虎丘寓舍趺坐

鐘聲初動曉雲浮塔喪真同南郭游腸斷轆轤恒窈窕形
惟土木只悠悠夢中何處尋蝴蝶物外何心辨馬牛忽聽
一蟬鳴著樹幾疑絕壑坐窮秋

虎丘雜詩

極目湖山聊縱游時揮羽扇立峰頭荷鋤野老披雲去繞
樹啼鳥帶月遊幾點蒼烟含遠市一聲長笛出高樓此生
真覺浮家好陶峴風流在泛舟

放筇嘗愛山間宿古木蒼流夾路通賣藥客逢薜荔雨採
蓮人對芰荷風閒窺遠壙烟雲外笑指諸峰明滅中今夜
故鄉涼月下何人遙立斷橋東

五字初吟猶未成忽驚野草送餘馨卷書便欲催沽酒放
屐無心學鬪苓偶坐松間形似鶴時酬僧問瀉如瓶蕭疎
自是幽人態穿榻徒聞說管寧

誰識興亡如轂轉試看流水亦滔滔吳王家上生秋草伍
相江邊擁暮濤昔日繁華今已歇當年星月夜仍高欣然
一笑迎風坐時送寒香拂苧袍

贈劉剩菴學博

玉貌遙思已十年今朝相對衆峰前耦耕常自閒魚釣獨
立何人乞酒錢日落燕山空紫氣風吹吳水只蒼烟哀歌
莫便悲哀颯猶有門生問草玄

桂林

絕域蠻封孰共持一身鎖鑰更貽誰蒼江馬渡謠曾起蜀
道龍飛人盡知下瀨紛紛屯海日伏波跼跼墮鸞時莫云

國音山人集 卷五 九
誓死終無益銅鼓仍聞駐六師

肉食從來無令謀至今泲水益橫流子卿雪後依穹室越
石秋風出嘯樓萬國山川蹀血暗千年草木戰雲愁可憐
毅魄歸何地日落鍾山有禁丘

嚼雪穿齧恨未平何如張許控危城斬衣未盡酬恩志秉
笏幾同叩額爭忠孝傳家看愛子儒林祭酒仗門生因思
師敗東征日猶有通侯正擁兵

通籍先皇祖長自慚華髮未登堂千秋俎豆看遺像故
國衣冠擁舊牀南徼風雲仍黯澹東臯蘅杜已微茫馬封
應有樵蘇禁漫說他年 鬼藏

乙未七月初六破城週十年矣爲作佛事因賦

秋風乍到白蘋邊忽憶干戈已十年都護歌殘隨落葉今
威歸後只荒烟下方鐘磬沈三劫午夜華香降六天試問
騎驢京邸客可能回首一凄然

乙未中秋集九來齋看月風雨忽至悵然分賦

星月連宵萬戶懸忽驚蕭瑟散晴川芙蓉江上浮陰結鱸
鱠樽前涼思偏龍國大人侈餌釣蠶叢介士動樓船風雲
眼底看無極且願移封向酒泉

甲午三月十九日本陳和上作佛事於安禪庵賦此

誰說鶯花三月天每逢此日却潛然側身北望踰千里回

首烏號已十年芳草自當南殿綠垂楊曾骨翠華烟人心
思舊今應少勻水猶陳法几前
節近清明風景和飛飛紫燕掠輕波亂墳猶有紙錢繞禁
寢誰將麥飯過人遇時危思自切花當春暮落偏多却憐
綠浦黃雲外猶有征人常枕戈

哭葉聖野

秋風一夜落離翰衰草離離白露寒十載關山瞻馬首半
生賓客仰猪肝要離塚畔蜚聲咽泰伯祠前日影殘聞道
長安多貴客素車南下獨盤桓

春朝試筆

已見韶光入素枝朔風何事轉凄其祛寒簾幙惟耽酒散
髮林臯聊賦詩公子秣陵新有恨美人笠澤舊曾期十年
空有三山約一笑徒看鬢若絲

寄王元倬

秋深曾望孝陵雲雙漿頻催兩地分故國山川空虎踞舊
家王謝憶鸞群墻東避世真推汝市上吹簫爭識君昨夜
夢中勞握手早憑飛雁寄迴文

周參軍輓詩

少小才名冠五都中年一劍走飛狐命同李廣悲奇數寃
似鄒陽絀壯圖歸去田園應未晚化來猿鶴已殊途試看

宿草皆沾淚風雨蕭蕭墓柏枯

虎丘感舊

扁舟曾赴竹林期淡月輕籠短簿祠絕代綺羅傳北里一時冠蓋集南皮青衫畫舫聽調曲白恰芳郊看鬪雞此事已成千古恨斜風疎雨送鶯啼

少年意氣總飛揚入夜閒遊月似霜白塵風流參坐客烏

衣門第仰諸郎飲醇昔共推公瑾周儀部鑣挾策今猶憶子房

張翰林溥一自招魂迷遠近徒看落葉下平崗

輓葉子

驅馬歸來滿路塵關河冰雪暗傷神方看冉冉鶯花合何

意蕭蕭松柏親虛閣曉風吹總帳空庭涼月落華茵遙知已斷池塘夢春草長安涕淚頻

荅岳心秋日見訪韻

蕭索閒門鳥雀居忽驚蠟屐到塔除輕雲停戶風初急零露侵衣暑已餘別久自應樽有酒家貧猶未食無魚君看茗椀熏爐外獨擁牀頭老易書

已無車馬到閒居猶有繁花落滿除鳥下葉翻涼雨後客來艇急夕陽餘方看春柳飛沙燕忽聽秋風動鯉魚同爾衰殘雙鬢白祇應倚樹較農書

岳心歸疊前韻送之

送子東行孰耦居秋風葉落漸驅除百年少壯飄零裡十
載興亡涕淚餘我去縱游騎白鹿君歸愁坐學鰥魚平生
事業天心在願比虞鄉老著書岳心方喪偶故有第六句
送友人赴沛上書院之約

曾同明月聽琴聲又見秋風匹馬行水部右文崇俎豆儒
生習禮奉橋衡人追鄒魯絃歌近地憶枌榆王業成從此
傳經應滿座喜聞弟子得丁生

掩關三月久不與親串相見今日啓關出訪復爲雨

阻客又無至者作此自嘲

涼飈初起鬱蒸辭擬訪琴書慰別離忽怪門周泥水滑
思雨墊角巾危亭中問字驅車少竹裏開樽召客遲贏得
少年爭一笑先生原似閉關時

中秋放舟江臯同飲和德下

淺觥清簫宜水居輕橈引客逐樵漁橫江白露蛩啼草拍
岸寒波月照廬牛渚袁郎親詠史匡山白傅自蒸魚城中
鳥履應交錯物外風流恐不如

望遠曲

蠨蛸滿戶獨含悲十載征夫歸未期開閣忽驚梁燕入卷
簾遙見月華馳繡成蛺蝶心中事立遍闌干人倦時總爲
瘴蠻消息斷天涯一望不勝思

國朝山人集 卷五
憶方十五美腰軀上客曾投十斛珠錦帳未傾金鑿落玉
釵先溜紫瓊瑜無端鄉國風塵暗羞說兒家夫婿殊自此
年年倍惆悵江皋一夜綠薜蘿

南望浮雲黯澹流手攜錦帶試登樓湘娥廟裏鶻啼急神
女祠前葉落愁幾載飄零同斷雁一身流蕩類孤舟他年
得縮同心結不敢相逢恨白頭

西家少婦美無雙昨夜曾聞來吠麗偷贈明珠安繡帶暗
薰百和倚紗窓傷心招妾藏金屋垂淚看儂背玉缸聞道
衡陽飛雁至還憑錦鯉報岷江

共說秦嘉有報書何當消息總成虛青苔立遍寒侵襪紅
樹飄殘霜襲裾幾度斷腸碁事近一聲流淚雁來初門前
雙漿曾來否不用相迎七寶車

春來芳草遍庭除陌上垂垂游女裙妾近正攀白下柳郎
應方食武昌魚欲追往事知憑夢擬報新愁懶作書總使
君王求故劍不堪憔悴引羊車

趙家飛燕怯難勝日暮閑來花下凭天上自傳歌赤鳳人
間祇是重青陵舞衣疊處塵初滿歌版停時泪暗承猶恐
刀頭還有約月中朱閣悵徐登

梧桐零落向三秋縹緲雲軒不可求心事只如常中酒人
前每怪是多愁生憎比翼機中見懊惱雙魚沼上浮却怪

侍兒渾未解強移銅鴨上空樓

贈范叟

一范貽謀奕葉長衆中推爾最爲良年同白傳今耆老屋
比盧鴻舊草堂竹逕風來疑夜雨梅廊雪綻壓朝霜却思
肘後懸金印何似長鋤八百桑

有感

柔風暖日小春天又逐輕橈拂野烟老至漸知身計拙窮
來真覺世情偏青山好客仍如待紅樹迎人正放妍從此
懷中應滅刺絕交擬續孝標篇

贈曹石霞使君

三江楓落氣蕭森舊宰高風此地尋箕踞對人時痛哭草
間求活轉哀吟淚深赤壁英雄跡腸斷蒼梧帝子心吾亦
雍門聽琴客相逢不覺共沾襟

答邵得魯

憶昔君當最少年蕭然石浪共安禪別來歲月同流水亂
後山川隔戍烟此日忽逢真夢裏明春應對落花前鹿門
耆舊如相訊笠澤新增一釣船

游報恩寺

岌嶷紺宇倚雲開傳道先皇警蹕來碧映琉璃增氣象光
搖日月擁樓臺諸天盡日停霞纒歷代相傳過劫灰極目

不堪頻悵望無窮官闕已蒿萊

尋方正學先生祠

灌木烟深蔓草平我來何處謁先生
殘碑在地封蒼蘚斷礎無人竄野甍
落落寒松留正直差差白石憶堅貞
年來名節真如掃慟哭空山鳥雀驚

聞礎爲友人賦

渺渺秋烟鳥道中數聲何處起征鴻
蒹葭十里迴波合禾黍千家夕照空
漁笛亂時雲窈窕山鐘蒼處樹葱葱
美人南國情無限愁絕餘音送落楓

贈徐日敬

芙蓉未老鰕魚肥孺子扁舟叩竹扉
感舊十年惟有涕誰交四海竟誰依
琅鐺請室人猶在寂寞新亭事已非
君是黃公門下客墓前絮酒定沾衣

招顧任侯小飲

春風獵獵雨初紛座有清樽試合群
掃逕喜聞來二仲登龍漫自號三君
江梅初放猶含凍社燕新飛欲貼雲
醉吐車茵人莫笑誰澆杯酒伯倫墳

送任侯村居次前韻

春暖梅開似雪紛扁舟欲發嘆離群
頻年踪跡常如客此日悲歌復送君
歷歷鶯花藏野店依依桃李映江雲
遙知

曳杖行吟去踏草先尋金粟墳

任侯居真義里近金粟道人草堂

毛子晉六十

曾操雙槩到門檐斗酒論文映畫簾萬卷圖書同李泌數
株楊柳學陶潛詩筒月下來千里碁局花前競一奩莫道
時危人易老看君白雪未盈髯

薛歲星太守六十

五馬當年映繡裳深山此夕擁匡牀時時漉酒陶元亮日
日清齋周太常白練題來推草聖玉山頽後憶飛觴况聞
惠遠東林約二老風流不可當

時立墓剖公亦六十

芙蓉題桃源圖

願從彼美結爲隣選石流觴坐澗濱朝帶曉霞看飲鹿暮
隨歸鳥送樵人山中舊臘猶思漢洞口飛花不屬秦鷄黍
互陳牀下拜逍遙此日稱閒身

過內園訪三木師

昔年王謝風流地今見支公獨送迎紅藥翻堦時戲蝶紫
藤倚樹正啼鶯玄言盡日如瓶瀉孤磬隨時似水清從此
相過能不厭同師月下聽吹笙

重陽後一日同人集合綠堂追賦

絲竹沉沉總入神滿堂詞賦更清新今朝同作悲秋客昨
日猶傳落帽人採菊佩萸成往事綠尊紫蟹荅芳辰諸公

莫怪厭厭飲荷鍾誰能繼伯倫

擬探梅青芝阻雨不果寄無殊

春來攜展擬尋山却爲陰冥又閉關花氣入簾猶帶澀蘚
痕延壁旋成班雨中草色分深淺烟裏鐘聲獨往還遙憶
故人簞笠好疎梅百樹水潺潺

春日閒居有感

角中團扇御羅衣春日風光乍映扉雙蝶尋香隨樹遶落
花依草向簾飛百年高枕空江老萬里懷人絕塞非世事
于今聊一歎荒庭獨喜藥苗肥

送咸大咸

惜別匆匆已八年今來重續舊離筵一燈照子顏如昨雙
鬢慚予白勝前朔塞風塵同噩夢天都松石對孤眠歸來
已過桃花浪韓信城邊草似烟

贈郭侯

江東杼柚嘆今虛茂宰祥風忽到廬牀上經冬唯敗絮厨
中享客只乾魚桐鄉盛德應難再堂邑遺思恐不如旦夕
循良會有詔臨行獨御折轅車

壽沈子甸五十

武陵溪畔駕漁舟碧綻桃花乍欲稠冠戴竹皮游白社盤
分麟脯似丹丘堦前此日三珠樹詩思頻年八詠樓更道

韋家兄弟好酒缸花撲夜深酬

壽孫子長六十

對策歸來學耨畊至今講座遍諸生聽泉谷裏雲初滿攜
杖花前鶯有聲嶺上鳳凰方吐嘯庭中楓柳漫爭榮枕流
漱石年年事古人推孫子荆

游仙詩

何處飄來嶺外風雲綃霧縠降真踪巫山神女凌烟近洛
浦靈妃度水空桃葉渡前明月棹葶蘿村裏夕陽松三生
往事寧須嘆千古興亡一笑中

釣艇常隨柳色青俄驚鸞馭竹間停種桃洞裏初留核相
鶴花前別有經往事烟消同一夢貞心石爛厭雙星他年
瑤島猶思否曾過侯巴舊草亭

花氣冥冥過九春紫霞擁去紫雲巾常經攜李神傷舊近
指婁江感慨新已識雙成歸洞府敢言交甫俟河濱明朝
分手遙相望千里靡蕪似錦茵

九日遊治平寺

未因風雨嘆蹉跎一棹夷猶發嘯歌紫蟹已酬黃菊典濁
醪又見短墻過古祠寂寞人烟渺霸業銷沉感慨多忽聽
健兒馳馬急秋高日落正橫戈

長風細雨暗山村古殿牽羊俗尚存縱博一呼人影亂哀

絃四起客心繁臨流猶憶鴟夷棹杖策時過朱亥門莫道
高懷追落帽夜來蟋蟀暗銷魂

借姚文初俞無殊王雙白歸玄恭嚴仲日文園公諸
子赴山陰之約舟中分賦

十年不上山陰道今日乘風一棹開秋草蕭條聊縱目客
情疎放共啣杯吳江曲處星波動震澤過時桑柘來更想
明朝攜杖地鄂王墓下欲生哀
一夜涼颺落木疎扁舟此地狎樵漁幾家砧杵寒原靜兩
岸芙蓉野戍虛酒壓玉山人醉後月沈秋水漏傳初隔江
聞近撈蝦渚應有披裘學釣魚

蒼茫吳水行看盡越地青山雲外瞻估客千檣隨落日啼
鳥數樹傍隨帘時危羞託爲關吏船過誰知覓孝廉風景
十年遺恨在賦心還擬學江淹

初冬村居雜興十二首

誰聽金門落日鐘三千對策盡雍雍故人此日推鳴鳳老
子終身學卧龍督米有時牛渚過釣魚常向石頭逢逍遙
物外年來事戴笠披裘一老農

當年湖海氣難容老至思齊廡下傭心似牽羊恒好後形
如讓畔學爲恭癡頑直欲追馮道悻直嘗憂近李邕却怪
世人猶未信更攜丹竈入千峰

昨夜秋風葬髑髏樓船諸將總含愁似聞翟義思扶漢不
信王郎真姓劉戎馬蕭蕭來朔土軍書擾擾動南州可憐
避地墻東客也向深山理一丘

亂後閒情總不關寄身荻岸與溪灣客閒柳下常同鍛日
煖簾前自放鷗兵氣虛傳雲夢澤美人遙隔武夷山少文
絕筆推能事爲畫紅泉樹底攀

流水游龍竟日奔紅塵十丈蔽柴門少年盡入蓮花幕比
舍嘗開北海尊看竹客來空白眼倚梧吟後正黃昏晚晴
獨赴山僧約紫菊當堦藥滿園

雲鎖經年托遠岑忽傳丹詔九重臨當時自比西山操此
日遙馳魏闕心隻履曾聞歸少室海鷗底事入華林却思
高卧鴛湖客朗月空懸照碧潯

緣溪抱樹一枝棲老屋三間葵滿畦深夜月明聞落雁曉
霜風急聽鳴鷄久知貧賤人皆棄自喜疎狂色免低遙憶
故人京雒道早朝騎馬氣如霓

世路於今漸剝廬誰能此日羨安居文鴛戰苦猶橫陣鄧
艾功成入檻車銅馬賊來妨稼圃黑鷗軍至斷樵漁何時
重整江南樂琴酒娛情學釣魚

平生踪跡寄禪宮逸興年來又不同一笠隨琴留鑿隱扁
舟訪菊下婁東左螯右酒煩王挺採菽烹葵得宋龍三宿

歸來又何向吳淞江上聽征鴻

太常遺業繼前修亂後蕭條迥足愁負郭已無田二頃傳
家更少橘千頭孤燈黯淡同禪榻曉月蒼涼類客舟道是
維摩真不媿誰將問疾騁風流

荒江草屋與人齊猶憶當年得暫棲比舍初喧朝放鴨鄰
烟徐起午聞鷄誦詩實少康成婢曉饒徒存冀缺妻若使
湖中無盜警重來桃李已成蹊

煖日和風到曲房行雲未凍月蒼蒼擬同彭澤酬尊酒好
比元龍卧大牀射兔高崗思草淺懷人絕豁憶吟長明年
倘遂山居約滿洞桃花八百桑

壽譚扶風六十

蓬矢新周髻未蒼庭前紫氣鬱相望布金久已推長者結
客還聞似鄭莊烏目峰高晨曳杖藤谿月落夜飛觴化書
著就猶留枕應有雲霞護石牀

和申遽園比部七十自壽詩

桑海俄驚踰十年相君遺澤尚瓜綿烟波釣叟時來往方
丈仙人未播遷春日看花停縱轡雪天載鶴繫歸船倘因
背癢思烏瓜應有麻姑立枕邊

除夕

丈室無煩天女圍謾言擁髻怨斜暉銀燈火炮鐘初動銅

鴨香消夢未歸細數流年惟白髮未同開士只緇衣山中
定有牛眠地負土成時傍釣磯

元旦

不隨塵世競逢迎閉戶蕭條落葉清折簡送人惟調水賦
詩邀客爲飛觥時來高嶺傳鸞嘯閒對家鷄似鶴行莫笑
稽生近懶甚吾衰久矣欲逃名

和陳皇士四時山居詩

雲山面面對匡牀新柳如烟覆苑墻陌上紅粧青雀舫花
前綠幘紫騮韁簾垂杏雨香塵暗門掩梨雲夜月黃百尺
元龍獨高卧琴書此日自徜徉

深山暑月似涼天一夜雷鳴響百泉客至聊爲河朔飲獨
居愛就北窓眠楊家菓熟村村紫蓴菜美調葉葉鮮忽覺
香風時拂座池中遍發謝公蓮

山色由來自鬱青况當秋氣更空明霜催梧葉當堦響候
感蛩聲泣露清嶺際吹簫疑引鳳風前舒嘯欲飛鯨夜來
叢桂香初滿招隱騷辭笑未成

荒村木脫露層巒絕壑聲迴瀉急湍獵徑雪堆迷獸迹釣
磯風勁謝漁竿沿溪放棹尋安道深夜聽歌得懶殘縱是
蕭森猶獨出灞橋詩思在驢鞍

哭陳鶴客

姚叟

宗昌

朱郎

鑑

成永訣不堪復爾嘆人琴壯懷久識吹

簫恨畢命猶存擊筑心徒見鑄金尊賈島未聞草檄起陳

琳何時持得春陵信哭向寒原報好音

鶴客名鳥故有第五句

雨後登城閒眺時余將入山矣

陰陰夏雨散桑麻雨過行吟一逕斜元亮貧居依稼穡仲
長樂志在烟霞綠楊亭外看歸鳥芳草池邊聽沸蛙謾道
雲林能久駐故鄉渾欲似天涯

九來贈詩見送入山賦此荅之

去矣西山雲樹清夢回存役戀交情才名江左思吾子耆
舊襄陽憶爾兄何以娛懷時縱酒未能閉戶或聽鶯倘因
叢桂來相訪明月扁舟下石城

述史

聞道旌旂擁翠華飛鳶點處斷靈蛇彌山鐵騎開炎瘴蔽
水樓船湧落沙好雨定知蘇涸鮒清風未見散悲笳閒來
轉憶手陵曲烟霧茫茫暈日車

避暑卽事

修竹前交後蔭桐鬱蒸猶未見雲同碧瓜朱李登雙豆松
塵桃笙并一弓縱酒敢追袁紹飲披襟恰喜大王風睡餘
忽夢停芝蓋肩拍相隨河上公

鬱然林木正陰森盡日相依只野禽曉起提攜六角扇晚

來枕藉一絃琴盤空鶴影雲邊迥出戶鐘聲烟外深寄語
長安馬上客何如散髮此投簪

秋日寄懷王元倬

高卧東山卽輞川愛而不見已三年比來眠食應何似想
去風情益勝前攜伎客歸桃葉渡種瓜人近孝廉船因思
昨歲秋風急鐵鎖沉江正惘然

壽周子潔五十

昔日渡江周吏部長松謾謾動清風生兒誰不慚名父如
子真能繼乃公已見十年隨釣弋何時一劍倚崆峒綺筵
聞道稱眉壽鬢正爭飛花正紅

李元仗寄詩見懷次韻奉荅

燕臺矯首恨無涯忽見雙魚到習家客舍同誰傾竹葉故
鄉此日遍黃花寒沙漠漠車前暗曉月沉沉馬背斜知爾
尊鱸孤興發暫因羊酪駐京華

同婁東諸子宴集桴亭送確庵游楚

桴亭亭畔驪歌起之子扁舟出闔閭江水初縈彭澤柳蜀
薑新試武昌魚荆王宮殿銷亡盡宋玉文章灰燼餘每到
登臨應轉憶故鄉消息近何如

人日九來招飲余以先君子忌日不赴賦此寄懷

東風拂拂動華筵結客城南下錦韉竹葉正看來席上梅

花應未落粧邊驚心節候方三日時立春迴首幽憂已一
年已三日謾道題詩人日好傳經早廢蓼莪篇

喜弘人聞夏歸

底事逢人喜欲狂延陵公子解歸裝三冬猶泣豐城獄二
月已還華子岡頓覺文章增氣象漫言天道轉蒼茫獨憐
五國城邊客夜夜愁看月似霜

呈古南老人

十年不見嵩山老相對真同河上公已識藏身齊霧豹更
看應世似烟鴻紛紛雙髻垂如雪落落修髯飄向風明目
一瓢何處去亂峰之北五湖東

述懷再呈

窈然自視如枯木似我應名無是公妻子久同肘上柳升
沉漸比雪中鴻丈人時抱畦間甕仙客嘗呼嶺上風更有
鹿門遺跡在不聞避世獨牆東

贈康小范

曾經百戰聽金鉦今日隨人托遠行十載風塵趨上國三
春花鳥寄孤城望中離樹滕王閣夢裏征帆朱雀桁自是
蘄公舊孫子莫愁鐘鼎不垂名

上巳日風雨次日同人補禊於從吾館分得亭字

車轍聊因鷄黍停敢云佳會續蘭亭酒如江水秋波綠屋

近春山柳慢青風雨昨朝迷玉勒羽觴今日集銀屏海邊
烽火傳猶少莫厭年年聚德星

九來攜酒出城南看菜花同小范喟初季重

柳絮無端點落鴉及時載酒去尋花李家錦隊應難並梁
氏攬稔寧足誇拚飲直須雲吐月扶歸不用犢爲車風光
明日還晴爽大謝離闌護彩霞

次日喟初約看牡丹

喟初齋頭看牡丹

晨鳥方鳴信使催花間預想布尊壘圍棋已似東山集掃

徑還看蔣詡來

蔣大鴻從雲間至

暖日薰香迷曲榭和風翻露浥

蒼苔歸家正照娟娟月綠柳陰中草閣開

贈高將軍

共道師從天上降俄看三箭淨秋氛身經百戰風雲陣手
握靈樞虎豹文緩帶輕裘羊太傅敦詩說禮郤中軍江東
半壁長城在絕似當年麟閣勳

寄贈張都護

蔽水艤艫擁節旄頻年海上戰功高角聲夜動魚龍徙旗
色晴開猿鶴逃銅柱功名圖閣早珠崖版籍捷書高只今
彩筆歸蓮幕誰賦揚州八月濤

風清鈴閣曳輕裘鹿苑花宮縱勝遊雲經清鐘閒勁旅石
床香飯遍鳴騶軍中讀易簫笳細帳裏投壺旌旂悠此日

金焦登眺好憑高直擬庾公樓

贈白使君

使君昔日宰隣州循吏名高良史收梁有懸魚齋閣靜路
多馴雉縣花幽吳公第一仍卑宦介弟無雙欲拜侯今向
軍中閑走馬秋風海色滿輕裘

鳳凰輝德益增思正是鷹鷂縱擊時昔日曾承國士語今
朝不媿故人知錦綫夜月參軍詠碧簟秋風太傅碁兩事
慚予俱潦倒祇應同醉習家池

秋日山中卽事

籃輿此日歷蒼苔遙見西山爽氣來翠壁丹楓臨絕壑白
雲黃葉下高臺物情已覺茱萸老人事偏當鴻雁哀回首
故人鷄黍在草堂應傍夕陽開

次前韻代東走荅徐昭法

曳杖歸來立蘚苔忽驚尺素復飛來飄零南國誰同汝慟
哭西風有故臺尊酒寒燈容暫放江楓落日轉增哀空山
自是多豺虎深掩衡門莫妄開

春游

綠樹叢中映綠羅少年競躍紫騮過如雲笑指春前面惡
管徐高醉後歌繞袖落花風細細繫舟芳草石峩峩物情
此日應爭賞漫道頻年感慨多

不樂
今吾不樂心如何側身遙望淚滂沱玄髮已改霜髮在賓
筵初御酒悲多四郊豺虎何時息三輔衣冠誰見過夜來
忽夢叩天闔九門沉沉橫網羅

壽王石隱七十

短褐扶藜夕照前飄飄鶴髮正蕭然論書已足追秦碣賣
藥無心入洛川馬糞名家傳自遠鹿門耆舊爾誰先酒醕
能說當時事猶見神皇全盛年

對人諸乾一建陳徵君祠於余山賦詩贈之

徵君墓木俯晴川荒楚平榛落照邊猿鶴啼時增悵望烟
雲滿處舊綿芊鑄金誰復追前代絲繡空聞有昔賢幸得
風流諸進士秋風茅屋酌年年

壽蔣公涵七十

西川宰相傳家遠萬里南來更卜居晚節應登孝友傳早
年曾習計然書金風欲動經霜橘玉鱸初調入饌魚如此
娛情已足老况看珠樹在堦除

歲暮積雪有懷

柳絮梨雲飛滿天蒼茫極目暗晴川碧霞萬頃含銀樹白
壁千雙映玉田興到阮孚攜蠟屐客誰王令棹谿船年年
歲暮傷心甚暫把閒情傍綺筵

送元恭游淮上

頻年三渡邗溝水今日驅車更遠游
戲馬臺空悲宋帝釣魚磯在憶韓侯
論詩遙對蓬萊島縱酒先登文選樓
小袖禿衿人共笑誰知廿載一羊裘

元夕前一日集從吾館看燈次諸子韻

結客南隣到不難一尊遙對九微看
彈成蜀國絃何怨歌雜秦聲調轉寒
綠酒細搖明似月碧烟輕裊氣如蘭
厭厭莫卽思分手多少人間玉樹殘

時聞計甫草子念祖之變

次唱初春日過訪不值韻

結廬久傍綠莎灣可嘆安仁鬢早班
老至風情隨日減亂餘身世逐人間
低枝入戶鳴春鳥倒影依窓映遠山
正欲遲君揮玉塵如何停轡只空關

送徐季重閩中省兄

韋家兄弟花前別千里相尋泛彩舟
踪跡頻年同一仲文章昔日近諸劉
蓬萊閣外山如錦青草湖邊月似秋
君去荔枝應正熟鷓鴣聲裏一登樓

壽崇川劉生

從來樂府重劉生如爾應同千載名
書入聊城圍自解客趨北海座爭傾
黃花已對陶元亮綠酒還隨阮步兵
家住蒼溟蓬島近坐看笙鶴下瑤京

秋日漫興次友韻

芙蓉濯濯露華新
白日如馳暗自論
雲際征鴻初送目
籬間芳菊又娛賓
臨風合墮龍山帽
却扇從飛西府塵
昨夜樓頭吹玉笛
梁邊落月欲窺人

壽王子六十

少時結客覽皇宮
拔劍王郎氣自雄
垂老鄉關同出塞
頻年踪跡轉飄蓬
臨池已足追家令
劈脯還應繼乃公
漫道浮沉無一事
看君避世在墻東

將入山趙子天心以詩贈行賦荅

輕風細雨掩孤尊
扣策何人忽枉存
子似衛生來洛下
我如梅尉隱吳門
千山隱映青蘿館
萬木蕭疎黃葉村
遲爾他年同聚首
石函秘笈好追論

中元徐原一招同陸麗京及邑中諸子集山園

秋風謾謾起高松
諸子相尋物外蹤
叢桂參雲橫嶺斷
殘荷倚檻亂萍封
歌聲繞屋人聲歇
月影凌波樹影重
行樂及時還秉燭
平生良會幾回逢

登穹窿次壁間尤展成韻贈施亮生法師

窈窕雲深石徑封
披榛此日建真宗
三冬常覆瑤臺雪
五夜時聞金闕鐘
壁上聲來疑考鬼
潭邊波動欲鞭龍
知君行滿朝天去
白鹿蒼麟下碧松

次前韻有贈

身隱無煩泥水封關西夫子舊人宗著書欲就驪山姥入
社愁聽廬岳鐘花徑晚驚林下犬石潭晨護洞中龍擬咨
鴻寶今何在笑指巖前百尺松

九日李爾公招往登高酒酣樂作次日見示次韻詩

和之

年來漫憶酒杯寬興至追陪且極懽霸業銷沉傳戲馬秋
風蕭瑟任吹冠兕觥百罰寧辭醉羯鼓三更不覺寒高會
於今知漸少君家真作盛時看

秋日雜感十首

伏枕移時廢嘯歌忽驚秋信渡蒼波碧梧冉冉經霜下白
雁飄飄向月過南部已聞休戰伐中年甘自老漁叟獨憐
黎庶征求盡壁馬沉河事若何

昔年曾向會稽游正值關山錦樹秋座上才人詞筆麗樽
前小伎洞簫幽探奇邀客窮南鎮眺遠凭高俯越州一自
王孫羈塞北金閨萬里獨含愁

每逢令節舉芳樽昨歲風光倍足論愛客最推徐孺子遠
游正遇陸平原清歌一道松楸合痛飲千家夜月昏此夕
相思同萬里野人爭席返柴門

懷人此夕意偏長萬里征夫擁驢驢燕地關河寒欲雨漢

家宮殿月如霜常倍太傅東山奕時接荀公一月香豈憶
丘園肥遯客手扶黃菊對斜陽

柔齡獻賦上陪京滾滾長江照月明梅子岡頭秋雁影秦
淮河畔夜烏聲館中多士晨留刺曲裏諸姬晚擁箏聞道
風流俱雨散滿城浴鐵太縱橫

人近衰齡事易悲况當霜氣入庭帷已驚青鬢成絲早欲
餌丹砂駐景遲零落山丘還入夢孤飄南北總含思亦知
太上忘情久哀樂寧無不廢時

天下月明何處好虎丘秋夕最風流三星在樹笙歌擾半
里籠烟羅綺乘寶馬香車爭自向傾城名士兩相求年來
獨有長鬚佑薄暮華筵蕩彩舟

一望滔滔勢欲驚千年瓠子獨垂名黑雲欲壓蛟龍鬪白
浪恒翻鶴鶴鳴聲轉怒雷泉並落波漂斷梗稻還平已知
天意同人事會見東南地軸傾

金鋪繡柱一時開忽報封章次第裁萬壑松杉爭欲暝上
方鐘磬亦生哀香臺寂寂流清漢紺宇沈沈掩綠苔却憶
崆峒訪道日遙傳丹詔出城來

叢桂山中聊自娛敢云咫尺近蓬壺拜床我自知徐庶舉
案相看得鮑姑漢相祠前月似水尚書墓上夜啼烏他年
不負羅浮約准擬移家入畫圖

酬黃丈

前朝博士老弟子今在深山友鹿群
抱甕灌花朝汲水荷鋤
劓藥暮披雲杯中賢聖俱宜中
肘後君臣常自分昨夜月明誰絕倒
短吟長嘯隔墻聞

秋夜同無殊秋孫泛舟西崦

沿廻一棹歷山扉雨後秋光欲襲衣
碧水青天同湛湛峰圍樹引故依依
水田晚照汀鷗白釣艇初歸銀鯽肥
斫鱠持螯寧不好鐘岢曲議早知非

徐次洲招往登高袁公白適從郡至同集次少陵九

日韻

帶經勤學任兒寬老至嬉遊聊盡歡
笑歷青山屐幾兩閒簪白髮籜爲冠
夕陽倒射銀河動夜月斜侵羅袖寒
更見袁安冰雪質龍山粟里異時看

次日集公白諸子於臥龍山房復次樊川九日韻

梧宮葉落任風飛路滿蓬蒿三徑微
忽見蘭橈從遠至便攜罇酒勸無歸
青青喬木巖前秀蕩蕩輕烟月裏輝
惜別柴門頻回首漸看霜露濕人衣

葉訥菴過訪山中有詩見贈依韻荅之

緣谿越壑築初成扣策欣聽石上行
如我幽棲依白社看君高卧繫蒼生
巖花風動籃輿美岸柳烟橫畫舫輕
昨夜

月明歸去好不妨席散野人爭

秋夜紫中師同飲有詩見示次答

絳闕嗟峨散玉珂天風吹向此中過
松花數樹因糧好箸水千鐘樂志多
谷口雲行隨鹿下巖前鳥落起樵歌
歸來獨向閒窓坐默轉丹車渡紫河

薄暮過虎丘

楊柳低垂映水村望中臺榭倚雲根
酒帘颺處人初散花市香來風乍繁
猶有飛揚追白墮忽聽鐘鼓報黃昏
却思昨歲殘冬裏曾飲袁家雪後尊

舟中讀紀原詩次其五微原韵贈之

兄弟才名近陸機廿年高卧掩荆扉
詩同鮑庾清兼俊人在梁陳瘦勝肥
久別對君殊覺好向來傳語總皆非
只今雙袖緇塵日不愧家居蘿薜衣

七夕立秋

已傳鵲駕倚千尋行報驚鴻落渚陰
乞巧心情已老大悲秋歲月轉蕭森
望中銀漢徐侵角愁裏金風早拂林
因笑天孫當此夕也應惆悵露華沉

西庵泛月

漁火初明微浪生綠簑青笠放舟行
風翻蘆荻群鷗動露滿松杉一鶴橫
碧沼華星通夜氣紅樓古寺送鐘聲
歸來

小犬迎門吠月到空庭欲二更

顧子催粧詩

麗日晴搖翡翠卮天孫鵲駕渡河時顧家不愧閨房秀洗
馬真推冰玉姿寶幄香侵篆縷細碧山黛映鬧粧宜朝來
笑坐流蘇帳彩筆爭傳贈婦詩

丙午除夕

嘆息平生百事非今朝翹足萬山西故鄉一望寒雲裏薄
業頻年落葉齊斜日長風看去鳥荒原古戍聽鳴雞比隣
更有李居士索米無門顏色低

嵇生懶絕性真同滿徑蓬蒿一畝官落落村原懸夕照蕭
蕭石磴起松風神閒兒女關情少年往升沉任數窮却憶
明朝銅井好烟雲變滅亂山中

丁未元旦

華胥歸後曉雞鳴擁褐邀人洗酒鎗盤出山厨野供薄香
生旅館竹爐清聽鐘雲外增寥廓抱甕溪邊簡送迎細數
春光猶未轉何時綠樹坐流鶯

不將禮數擾鄰廛隱几焚香絕可憐范粲車中語自少管
寧榻上坐還堅聲傳嶺半時聞嘯瓢掛松間聊獨眠猶惜
東南民力盡相逢詹尹問豐年

歲暮懷嶠初在貴陽官舍

何處閒情最繫思
天邊微睇一筇支
東林慧遠馳青犬
南嶽軒轅貽紫芝
午夜正當煨芋候
春風行近折梅時
故人迢在泮河郡
官舍媿隅乍賦詩

顧爾音雅集石浪亭

層巒崇閣壓芳堤
感昔懷人情事迷
太保履聲沒舊跡
瑞屏
顧公奉常墓道長柔荑
香城葉公
幸逢花發且泥飲
正喜山高任月低
明日鳥啼客散處
已看桃李落前谿

送何子公車

蕭蕭班馬向秋鳴
送子今朝頓轡行
路繞黃河尺鯉賤
風高紫塞一鵬橫
應逢擊筑悲歌士
遍閱棘門灞上營
漫道

封侯別有種
虎頭原是舊書生

過九峰草堂訪諸乾
一時乾一以病不能酬
客及山

夫主之

家傍青芝山下住
片帆又向泖湖過
主人頗似陶弘景
上客應同張志和
拂席稻香彌綠野
盤雲鳥度落蒼波
蕭然自遂尊鱸興
一醉無煩禮數多

重陽游小崑山分得十一尤韻

令節聊從勝地游
登臨不散客中愁
笛聲已斷餘荒草
鶴唳猶聞只古丘
萬頃湖光連野濶
千巖樹色入雲幽
回思故里騎龍下
應有閑人醉倚樓

是日陸蘭咳招集三隱堂用前韻

晴日誰同蠟屐游鬱林後裔最風流已看弔古羞繁藻更
喜持螯共拍浮月下飛觴增意氣巖前長嘯自清幽歸來
斜倚繩床卧繞樹鐘聲霜滿樓

重陽後一日任越瞻招集橫雲山

內史昨朝同快賞彥升載酒又相過會方戲馬時差晚客
比蘭亭數已多吾輩探奇同謝戴群公得句似陰何厭厭
不惜歸來暮皓月空中照薜蘿

留別諸乾一時乾一病已愈

別緒遙連點易臺萬重丹嶂鬱崔嵬已看客作平原飲漫
道人從剡曲回爲採秋江雙艇去待攀春樹一瓢來文園
雖病今無恙慚愧身非七發才

送退翁和上入楚二首

獨坐吳山二十年今朝又放洞庭船杖頭橘柚黃含雨眼
底瀟湘碧入天蕭灑人浮書畫舫淒清猿嘯祝融巖回思
故里鶯花好一望蒼茫只暮烟

漫道身鄰瘴癘天依然高踞萬峰前元戎小隊趨丹壑靈
嶽深更近梵筵此日冰霜應塞路到時花鳥正含烟龐公
遺趾聞還在會結茅庵回雁邊

銅坑觀梅分得舒字

錦纜銀塘柳乍舒春風冉冉欲愁予千山影動疑含雪萬
樹香來總拂裾曲徑落花迷倦鳥亂帆依霧識歸漁忽聞
蕭鼓中流發已見殘陽映敝廬

喜晴移尊出飲桃李下

西山山氣朝來爽對此那能坐自淹小市魚蝦已入饌畫
樓楊柳正垂檐枯傳綠蟻人爭瀉草似車茵客共占莫笑
林邊頻醉倒興來還欲倚青帘

送李仙照附杜太史舟入都

枇杷樹下正啼鶯之子翩然事遠征楫渡萬河忼慨集風
輕易水怨歌平偶逢狗監文應薦纔入蓮花幕自清此日

誰同青雀舫曾聞李杜舊齊名

徐孚若齋中看牡丹分得醋字

蠟屐曾同幽勝探歸來更喜歷城南風翻翠幙香初散色
並紅粧態自酣蝶斂蜂回綠夕照明星華燭對高譚酒深
忽憶曩年事痛飲花前正不堪

丙午春曾飲孚若
花下時余有家難

春日偶游玄墓

瓊樓珠閣上方明縹緲雲霞丹嶂生白石斜衝寶馬過青
葱遙映麗人行天香度處栖驚鴿塵尾閒時啼早鶯忽聽
一聲鐘磬晚琉璃橋畔暮烟平

臥龍山人集卷五終

臥龍山人集卷六

崑山葛芝龍仙著

五言絕句

題刀子贈無殊

選坐隨嘉蔭涼風吹樹花摩挲何所用試切綠沈瓜

題刀子贈子佩

平明匣中視何處有秋霜本是壯士心幸登居子堂

題刀子贈昭法

一片梨花影提攜贈吾友相看意萬重遮莫是七首

題刀子贈仲日

出匣驚何似離離鷓尾形子陵攜去好試削釣竿青
題刀子贈研德

皚皚霜雪姿終歲常不改取以贈侯生不堪寄朱亥
題刀子贈言夏

入室隨斑管垂腰比珮玉落花春社散聊取一分肉
題刀子贈孝將

庭前新水綠門外晚山青睡起無一事閒牕刷茯苓
題刀子贈岳心

心苦出良工裝成贈葉公莫言方寸鐵好去學屠龍
題畫

秋聲動井梧綠葉遍庭際疑有風雨聲落花已滿砌

偶題

避暑獨淹留臥看雲影浮橫塘此際好應有採菱舟

題扁舟吹簫圖

石壁蒼涼裏烟波黯澹中一聲橫簫好湛湛落寒楓

題江南花柳圖

春帆烟裏動花柳望中多我已忘情久相逢喚奈何

題絕交圖

忽聞車馬來俗物敗人意相望了不關曠然隔天地

吳姬歌

去事霍嫖姚雕鞍臂皂雕何如儂織好對對紫鴛嬌
郎如古澗鶴一去絕風烟儂似劔池水輓轡終夜懸

和無聲上人觀山十詠

嗟峨萬仞蟠飛雁恣游盤何事亦迴翅稻梁今日難

月落湖水中如游冰壺裏疑聞笙鶴聲遙向兩峰起

犀春亘長空蓬蓬曉雲上果然人事同蒼白無定狀

虬龍滿空山天矯信無匹忽驚烟雨封依然鱗瓜出

聞道玉京子仙山亦搖簸何爲忽飛來閒向此中卧

微渺兩孤峰聊從水上踞客來烟雨中遙望忽浮去

烟霞無定姿變滅本難比獨有小丘邊香雲伏不起

長飈天際來巨艚遙相送誰謂疾如風遠觀杳不動

孤峰啣落日搖蕩錦鱗開估客長檣至夕陽遙帶來

數聲柔櫓中裊裊漁歌起應有元真子同遊茗雪裏

六言絕句

雨窓獨酌

中賢中聖皆好一斗一石任真但對青山綠樹何須朱戟

華裯

入饌鱗魚白白翳窓桐葉青青閒雲樹裏飛去好鳥花間

自鳴

雨後鐘聲歷歷晚來花氣冥冥濁醪聊同杜甫荷鋪欲繼

劉伶

七言絕句

口號

玉漏丁丁催曉風
數聲笳管起城東
如何不向邊關聽
來亂姑蘇夜半鐘

六月十五夜聞雨

去年此日正論兵
斬馬刑牲意氣生
今日愁人枕上淚
堦前和雨到天明

咏維摩寺銀杏

繞樹啾啾鳥雀聲
空山獨立道心清
當年說法人何在
徒

見蕭條落葉輕

登姑蘇臺

突兀諸峰誠峻哉
難尋舞榭與歌臺
山麋不識興亡恨
日落無心亦到來

南園阻雨

焚香獨坐轉淒清
時聽幽禽乍弄聲
啼罷不知何處去
疎疎細雨滴青橙
狼籍春光愁欲生
寥寥恒對一燈明
荒村雨後行人絕
惟有風聲與鳥聲

偶成

爲愛青山繞郭居此心難與世人知晚來散步行吟去又見芙蓉醮碧池

和李義山過楚宮詞

蕭瑟郊原多故宮夕陽啼鳥上青楓當時歌舞今何在應識繁華亦夢中

題嚴灘獨釣圖

氣肅秋空哀雁呼蕭蕭蘆荻一綸孤遙知山色原如許還有先生在也無

拜張睢陽祠

古柏蒼涼衰草時淒淒石路謁遺祠當年鼠雀猶頻過白

日穿堦并拂枝

支硎竹枝詞

夾道青松擁梵宮香烟冉冉出當中低頭暗祝知何事惱殺人前面欲紅

白馬驕嘶白面郎短衫窄袖學新粧遙看一笑香來處點勒霜蹄立道傍

久雨墻崩去余駐足處不十步戲成

忽覺雷聲從地起一旬秋潦總難支平生那得同夷甫幾比排墻受壓時

送周子俶遊燕

二十餘年潦倒客今朝疋馬渡黃河河邊錦鯉長三尺置
酒烹魚發浩歌

到時明月滿漁磯幽桂團團映板扉寄語東隣吳學士南
來秋雁已先飛

黃金臺下樹蒼蒼遺址淒涼過客傷到日不禁頻灑淚桂
漿先自奠昭王

擾擾車輪日蔽塵如雲冠蓋氣方新羞同杜老悲殘炙時
訪當年屠狗人

一顧定應空冀北便辭猿鶴侍朝簪翩翩裘馬人爭羨盡
道王陽能化金

西山松柏近如何聞說蕭條狐兔過欲著青衫遙跪拜無
端不語淚滂沱

事如棊奕盡爭傳壞汝長城真足憐須記此中止可飲漫
將慟哭學前賢

饑驅此日試遨遊索米長安因暫留莫道金門能避世五
湖此日滿漁舟

奉簡葉水部

綠莎青草煖初生入戶春光照眼明聞說風流葉水部梅
花樹下聽吹笙

簡陳文孝將孝將以高卧謝客戲有此寄

開窓眺望獨支頤
雨閣濃雲度嶺遲
寄語華山陳處士
莫因蝶夢失鶯啼

荅言夏乞鶯

漾漾清波映碧雲
可無數點亂鷗群
籠來急送茅茨下
雪夜應思入蔡軍

楊山人招飲

浩渺烟雲墮角巾
蕭蕭鹽豉亦清新
千觴常醉氎毼月
未若山人此意真

題松雪上人澱山圖

偶爾移筇便是家
春風落盡故園花
如今時向溪邊望
惟

見飛鴻接斷霞

題陳皇士五圖

先天絕學畫前思
喪亂寧關老易爲
箕尾人徂後
死在成都市裏客應師

授易

天子鳴鸞蒞玉鋪
鳳凰樓下百官趨
只今此座依然在
十載關山隔帝都

伏闕

曾朝原廟試鳴璫
銀海金鳧近渺茫
却憶寄奴真俊物
直趨禁寢淨諸羌

謁陵

聖祖開基此按戈
雲屯萬騎竟如何
况當絕學相傳地
立馬能無發嘯歌

視馬
滌陽

駟馬前驅帝命宣
松楸拜罷淚潛然
當時若少于忠肅
已接烽烟二百年
奉使祀臨安伯

戲寄諸山禪德

尚平五岳與初乘
蠟屐籃輿取次登
陶遠風流應未絕
向君乞取酒三升

除夕以酒錢遺玄恭係以一絕

歲暮征塵起市廛
可憐歸子擁寒氊
酒資寄送餘杭姥
愧乏延之二萬錢

題画牛

綠草青莎踏未還
蘆花江水共悠然
可憐扣角人何在
獨

立斜陽欲暮天

挽德上人

昔年避亂寄精廬
大嚼深杯恣所如
無限疎狂君不笑
今來惟見月盈除

逃亡張儉今何在
七尺柴郎歸外宮
世外留君時一見
不堪又逐曉烟空

送吳氏妹謫關外口占一絕

卸粧擁髻上征車
送汝間關萬里餘
衰草粘天飛鳥絕
何年得寄大雷書

題画

錦鞞窄袖繡征衣
疋馬橫馳疾若飛
何日邀來留帳下
秋深喚取射鵰歸

馬同飛電絕塵奔
玉貌花衫欲斷魂
前踞一雛如犢健
當年曾嘯上東門

有感

老去壯懷隨日減
時來爾輩鬪身強
笑看裘馬輕肥者
誰憶當年盛孝章

訪王雙白不遇却寄

抱甕鋤瓜老布衣
閒依一徑對斜輝
叩門不見迎門笑
出飲經旬應未歸

贈李山顏六絕句

二十年前共往還
何人不識李山顏
扁舟重過婁江道
正是霜楓落葉斑

虎頭燕額亦書生
負弩曾煩縣令迎
猶記錢塘江上月
徹侯帳裏夜談兵

枕椰樹下草萋萋
南極驚看紫氣低
酒醒那堪思往事
越王臺畔夜烏啼

遙指燕京歷劫灰
依然宮闕復崔嵬
羽林子弟通華語
玉面爭趨絳帳來

樽酒相看老弟兄
何堪循髮嘆星星
已如淚燭灰同盡
豈

有彈碁局不平

重上黃金覽帝都燕姬十五正當鑪江南爭頌蠲租疏爲報身臺龔大夫

簡徐季重季重未舉子

我似君苗已毀研近來彩筆讓徐陵不妨更送麒麟種摩頂依然得聖僧

盛珍示舟過真義里忽墮水寄此戲之

孝章名德過徐劉何事驚帆忽覆舟北客他年徵水厄此身真已困陽侯

葉媚初新令萊蕪有寄

葉子風神迥不群獨愁手板送迎紛今朝初領東方騎酌水先酬范史雲

寄歸元恭元恭薄游廣陵忽得凶問至秋歸里故有此寄

歸生昨指邗溝去正值河流似怒雷不是秋深乘棹至騎鯨李白幾時回

寄呼德下

聞道仙人呼子先茅龍曾下去翩翩况君更是長桑侶破屋秋風感歲年

葉詡菴入山相訪值余他出徘徊花下久之而去留

詩見示依韻答之

紅泉綠樹便為家
出飲空床竹徑斜
聞道碧山學士至
微吟小立繞梅花

寄元仗

都中書至有故山之思
因奉寄元仗舊名開鄴

衣白山人絕代士
昔年自命欲希蹤
聞君近亦稱朝隱
暫聽龍樓落日鐘

寄葉岳心

岳心好稱陶羽
士故有落句

葉六無家蕭寺住
饑驅近向練祁遊
對人漫說陶弘景
久識玄珠罔象求

寄徐蓮生蓮生時寓繆歌起邸中

徐生昔日得狂疾
忽忽騎龍欲上天
昨歲偶從京洛過
鳳凰池客舊神仙

葉九來托友人
彷彿稚川移居圖
見寄久之不至訊之
葉生道我居山好
送客長亭酒百壺
已見雙詩逼秋水
如何却忘稚川圖

簡張令則

為人性癖難諧俗
只合烟波學釣魚
可嘆蓬蒿張仲蔚
年年教授一床書

簡湘九兄

與兄竹馬爭騎日
四十餘年同眼前
近對秋風頗淒緊
黃

鷄綠酒莫論錢

寄支許二道士

王謝諸公有遠致道林玄度昔同遊晚交支許托深契要
放葛洪居上頭

寄慈公題其精舍

貞公已死勝公去久嘆禪林類晚秋近得慈師殊拔俗蔓
蘿叢木亦清幽

遊仙曲贈季紫中師

霞觴常貯餘航酒湘軸時翻石室書昨夜空中玉女降班
麟雙駕五雲車

絕粒輕身能御風膚如冰雪似嬰童開窓好寫蓬萊景笑
指他年到此中

九載功成厠列仙綠筋紫腦上皇前丹庭倘問人間事浩
劫茫茫過十年

把袖相將更拍肩醉來枕藉倚松眠君真前代李雲翼我
亦當年葛孝先

踏青詞

桃花如錦覆長堤十里蘼蕪綠未齊忽見馬蹄頻悵望郎
隨都護在安西

珠簾翠鈿各娟娟忽到芳郊總粲然誰道娥眉常解妬花

陰小立更相憐

震澤漁父詞

貫酒烹魚喚阿儂
綠簑青笠笑相逢
莫嫌水濶風波險
平地風波更萬重

從軍行

風高日落李陵臺
漠漠寒雲凍不開
白草連天飛鳥亂
黃鷹一騎正東來

旌旗獵獵暗窮荒
馬上征人月似霜
忽聽凱歌齊痛飲
前軍已縛白狼王

沙轉蓬飛刁斗移
全軍十萬宿龍堆
雪深沒馬黃羊死
正是嫖姚歌舞時

少年意氣學從軍
三十橫鞭屢立勳
長揖歸來騎白鹿
夜深時降武夷君

宮人秋怨

賦成團扇夢無憑
覺後淒涼怨不勝
怪得一庭霜氣滿
銀瓶金井冷于冰

招邀女伴倚龍樓
小小從來不識愁
忽理瑤琴紅淚落
斷腸一曲漢宮秋

羊車不至掩雙扉
撥盡琵琶心事違
紫燕辭歸鴛帳冷
生憎深夜一螢飛

敢學鴛鴦稱比翼願同雙雁托清秋總然紅葉當堦滿不
忍題詩出御溝

余與李子望衡對宇三年矣一旦別去凄然感懷賦
一絕送之

名園綠水置離樽遙憶三年共一門今日送君橋上望無
端風雨更銷魂

戲題美人午睡圖

曾入襄王夢裏來流蘇錦帳午風開偶然驚起香肌濕猶
似巫山行雨回

過無公山房題贈

萬樹松花鶯正啼一龕絕壁暮雲低談經揮麈成何事獨
向深山學灌畦

門無關鍵任風開客過徐看鳥下來笑語移時師已至白
雲深處斲苓回

屋後枇杷繞數樹門前翠竹倚千竿客來更向峰頭望萬
頃波濤落日寒

日出山禽繞樹鳴月明野鹿渡溪行何人投向深巖宿夜
半應聞哀梵聲

五十初度自題小像

有序

昔年謁靈巖繼師於虎丘坐定數目我謂我貌似

其始祖始祖卽臯陶師俗姓李臯陶爲李官因以爲姓也問其徵云有畫像藏靈巖約他日入山瞻禮未果王子雙白昨從靈巖來云得展玩可謂神似丁未冬余五十初度客有爲圖小像者憶其事遂題一絕于上

昨歲相逢南嶽老

師近應南嶽

爲言貌似古臯陶士師非是深

文者覲面傳心道最高

戊申春曹子次典見訪山中攜家童春曉來頗能詩曾過括蒼嶺嶺上有碑曰桃花三百樹實無一樹矣春曉題詩曰桃花三百樹嶺上有殘碑何日

紅霞滿春風似舊時殊雋永可誦亦從衆中數目我忽指示次典曰何似嚴子陵主僕相顧絕倒蓋次典昔年同之登客星亭見公像也同里徐子孚若頃亦過之云絕肖但首裹幅巾露其額覺微高耳因再題一絕句

有客曾過七里灘鬚麋云似漢衣冠披裘釣澤須知易聖主求如文叔難

余作題像二絕句成秋日過北城草堂舉似紫中李先生先生曰未也予曾見莫月鼎像與子幾不別嗟乎臯陶耶子陵耶莫月鼎耶臥龍山人耶莊

周蝴蝶未知孰是更系一絕聊發笑端

邁種高陽貌足鄰羊裘男子神方並秋深得遇李先生又似仙人莫月鼎

卧龍山人集卷六終

挹芝先生大鑒敬啟者史家巷東口敝宅內

首堆積磚石前託舍於明卿轉商

等處務工早日撥除現在尚未撥用再函達務懇

特飭承辦工頭即日載去實為

德便寺此奉託印請
大安

弟潘睦先啟 伍月三日

蝴蝶未知孰是更系一絕聊發笑端

遺種... 貌足鄰羊裘男子神方並秋深得遇李先生又

似仙... 莫月鼎

卧龍山人集卷六 終

卧龍山人集卷六 終

挹芝先生大鑒敬啟者史家巷東口敝宅內

首堆積磚石前託舍於明所特商

等處務工早日撤除現在尚未撤用再函

達務懇

特飭承辦工頭即日載去實為

德便寺此奉託印請

大安

弟潘睦先啟 伍月三日

